PARADOXES

DV SEIGNEVR DE MA-

du Roy, & Maistre ordinaire de ses coptes, sur le faict des Monnoyes, presentez à sa Maiesté, au mois de Mars, m. D. LXVI.

Auec la response de Iean Bodin audicts Paradoxes.

Reueue corrigee Gaugmentee de nouueau, par ledit Bodin.



A PARIS.

Chez Martinle Ieune, rue S. Ican de Latran à l'enseigne du Serpent.

I 5 7 8.

PREMIER PARADOXE.

Que lon se plaint a tort en Fráce de l'encherissement de toutes choses, attendu que rien n'y est enchery depuis trois cens ans.

SECOND PARADOXE.

C.May J.M. D. L. X VI.

Qu'il y a beaucoup à perdre sur vn escu, ou autre monnoye d'or & d'argent, encores qu'on la mette pour mesme pris qu'on la reçoit.

Maten't I nachtes. Inndeleent dech geschebe



PARADOXES DV SEIGNEVR DE Malestroit, sur le faiet des Monnoyes.

AV ROY.

IRE, ayant, tranaillé trois anstant par commandement de voßre maiesté, que par ordonnace de vostr Chambre des comptes au faiel des monnoyes, à elle renuoyé pour vous en donner aduis : & d'autant que la chose qui plus nous doit inciter d'y regarder de pres, c'est l'estrange encherissemet que nous voyos pour le iourd'huy de toutes choses: Lequel combie que chacun, tant grand que petit,le sente à sa bourse : si est ce que peu des gens peuuent gouter la source & origine de ce mal, laquelle faux necessairement tirer du fonds & abysme desdictes monnoyes, & icelle demonstrer par raisons grandemet paradoxees , c'est à dire, fort estoingnees de l'opinio du vulgaire. Il m'a semblé, Sire, que pour traiter la matiere selon son naturel, & attendant faire paroiftre à vostre M. vn plus grand fruict de mon Labeur, ie ne pounois mieux faire, pour acheminer l'euure, que de mettre en auant les deux Paradoxes que l'ay ofé presenter à vostre Maiesté, à fin qu'ils en soyent mieux receus & veus par tout: o que estans bien entedu? , chacun connoisse le tort qu'il se faiet d'encherir, mettre & allouer lesdites monnoyes par dessus le pris de voz Ordonnances. Lesquelles par ce moyen feront mieux gardecs, qu'elles n'ont acoustumé: dont aduiendra à vous premierement, Sire, puis à voZ suicets, vn grad & incroyable proufit.

Vostre tres humble & tres obeissant suiest & serniteur, DE MALESTROIT.



PARADOXE PREMIER. Que l'on se plainet à tort en France de l'encherissement de toutes choses, attendu que rien n'y est encheri depuis trois cens ans.



E p v i s que l'ancienne permutation a esté commuee en emption & vendition, & que la premiere richesse des hommes qui cosiste it en bestail, a esté transferee

à l'or & à l'arget, par lesquels toutes choses ont depuis esté estimees, vendues & appreciees, & par consequent sont iceux metaux les vraiz & iustes iuges du bon marché, ou de la cherté de toutes choses.

L'on ne peut dire qu'vne chose soit maintenant plus chere qu'elle n'estoit il y a trois censans, sinon que pour l'achepter il faille maintenant bailler plus d'or ou d'argent que l'on n'en bailloit alors.

Or est il que pour l'achept de toutes choses, l'on ne baille point maintenant plus d'or n'y d'argent que l'on en bailloit alors.

Doncques, puis le dit temps rien n'est enche

ry en France.

Les maximes sont claires.

La mineure se prouue en ceste maniere:

Du

Du remps du Roy Philippes de Valois, qui comméça à regner en l'an mil trois cens vingt huict, l'escu d'or aux fleurs de lis sans nombre, aussi bon, voire meilleur en poids & aloy que les escuz soleil de maintenant, ne valoit que yingt fols tournois. Et combien que lors l'aune de bon velours ne valust que quatre liures, pour payer ces quatre liures falloit bailler qua tre escuz, ou monoye d'argent à l'équipollent. Ladicte aulne de velours, encores qu'elle couste maintenant dix liures, qui sont six liures d'auantage:neantmoins pour payer ces dix liures, ne faut que ladite somme de quatre escuz, à rai fon de cinquante sols piece, comme ils sont par ordonnance, ou monnoye d'argent à la valeur. Donques ladicte aulne de velours n'est point maintenant plus chere, qu'elle estoit alors.

Ily a pareille raison pour toutes autres marchandises de garde, que les marchans appellent Latines.

Si nous regardons aux autres marchandifes qui sont plus perissables comme bleds, vins,& autres semblables, nous y trouuerons pareille raison. Mais pour en faire le compte, il n'est' pas raisonable de nous fonder sur ceste annee, qui est la plus estrange & irreguliere qui ait par aduenture iamais esté veue en France, queles bleds & vins ont esté quasi tous perduz, voire le bois des vignes & les noyers gelez. Nous prenprendrons donques vne annee commune, com me l'on a accoustumé faire en l'estimation des choses casuelles & incertaines, & mettrons le muy de vin moyennement bon, à douze liures tournois.

Et viendrons au Roy Ian successeur dudict Philippes, qui commença à regner en l'an mil trois cens cinquate, & fist forger les premiers francs à pied & à cheual d'or fin, lesquels ne valoyent lors que vingt sols tournois, & maintenant se mettent pour soixante sols, qui est le triple: Si en ce temps la le muy de vin moyenement bon valoit quatre liures, pour payer ces quatre liures failloit bailler quatre desdits fracs d'or, ou monnoye d'argent à l'aduenant. Si maintenant nous acheptons ledit muy de vin douze liures, qui est le prix que nous auons sup posé pour vne annee comune pour payer lesdites douze liures, ne faut que pareil nombre. de quatre francs d'or à ladite raison de soixate sols tournois piece, ou monnoye d'argent à la valeur. Parquoy ne se peut dire, que depuis ledit temps y ait sur ledit vin, aucun encherissemet. Le semblable est des grains, & autres telles marchandises!

Nous auons compté par l'or:coptons main tenant par l'argent & le prenos de plus loing, comme du temps du Roy sainct Louys, qui commeça à regner en l'an mil deux cens vingt sept, & fit forger les premiers sols, valans douze deniers tournois piece, pour lors appellez gros tournois. Ces gros tournois ou douzains estoyent tous d'argent fin, & n'y en avoit que soixante quatre au marc.

Des douzains de maintenant, mesmement des deniers forgez par le Roy Henry deux-seit vn gros, iesme, d'aloy à trois deniers & demy sin, de quatre vingts treize pieces & demie au mare huistiesine d'euure, y en a en vn marc d'arget fin, trois ces partie d'une vingt, qui est le quintuple de ce qu'il y en a- ist par hui uoit du temps dudit saint Louys.

Partant de l'vn desdits sols l'on en a faict saiet 64. 6 cinq, & par consequent les vingt sols de main- pesoyent cha tenant n'en valent que quatre de ce temps là: cun trois deles vingt eing liures, eing liures, les cent, vingt. Et ainsi de plus grande ou plus petite somme. Donques si pour le iourd'huy nous acheptons l'aulne de velours dix liures, qui ne se vendoit n'y auoit en du temps dudit sainct Louys que quarate sols, tonte la Franous n'en baillons point plus d'arget qu'il s'en ce ny soye ny bailloit a lors, and and long mine and the

L'aulne de drap, qui se vend maintenat cent fré cy apres.

fols, ne reuient qu'à vingt sols du temps passé.

Le muy de vin n'est point maintenant plus cher à douze liures dix sols, qu'il estoit lors à cinquante fols.

Si le chappon couste maintenant dix sols, ce

ne sont que deux sols du temps passé.

A 4 La

Chacun pevne dragme once, car hu-

Faux. Caril me il sera mo La pinte de vin, qui couste maintenant à la tauerne trois blancs, n'est point plus chere que quant elle estoit lors à vn liard.

La paire de souliers n'est point maintenant plus chere à quinze sols, que lors à trois sols.

Reà l'hostellerie en annee comune vingt cinq sols, ce n'est point plus cher que cincq sols qu'elle pouvoit couster a lors.

La iournee d'vn maneuure ou gagne denier, qui couste maintenant cinq sols, n'est point plus chere qu'elle estoit lors à douze deniers.

Le Gentilhome qui a maintenant cinq cens liures de rente, n'est point plus riche que celuy qui lors n'en auoit que cent.

Vne terre ou maison qui se vend maintenat vingt cinq mil francs, n'est point plus chere

que'lle estoit lors à cinq mil liures.

Le tout pour la raison dessussité, qui est, que les vingt cinq mil liures de maintenat ne contiennent point plus grande quantité d'argent fin, que les cinq mil liures du temps dudict

fainct Louys.

Etainsi l'encherissemét que lon cuide estre maintenant sur toutes choses, ce n'est qu'vne opinion vaine, ou image de compte sans essect ny substance quelconque. Cat tousiours faut reuenir à nostre premier points, qui est, de sçauoir & entendre pour vray, que nous ne baillons

lons point maintenant plus grande quantité d'or ou d'argent fin, qu'il s'en bailloit le temps passé pour l'achept de toutes choses. Ce qui se voit & verisse tout de mesme, de temps en temps, & de regne en regne, depuis le dit sainct Louys, insques à present.

Parquoy ne se peut dire ny soustenir, qu'au-

cune chose soit encherie puis ledit temps.



PAR ADOXE DEVXIES ME. Qu'il y a beaucoup à perdre sur un escu ou autre monnoye d'or & d'argent, encores qu'on la mette pour mesme pris qu'on la reçoit.

> % NE des choses qui plus a tropé & rendu pauure le François& & la France, & qui plus a fait cotemner & enfreindre, depuis cet ans, les Ordonnances faites par

les Roys sur le cours & mise des monnoyes, les prenant & alouant à plus haut pris que le Prince ne les à aualuces. En quoy l'opinion du vulgaire a tousiours esté maistresse. Car quelque resistence que les Roys ayent sçeu saire, ils ont sinablemet esté vaincus & contrainets de suyure en ce la volonté desordonnee du peuple, & de hausser l'escu de jour en jour. Tellement que que de vingt sols qu'il valoit du téps dudit Roy Philippes de Valois, a môté de regne en regne, & de degré en degré, à xxv. xxx. xxxv. xl. xlv. & insques à cinquante sols, ou il est maintenat par l'ordonnance. Ce qui a apporté vne perte inestimable & dommage irreparable, tant aux Roys qu'à leurs subiects. C'est vn erreur commun de long temps inueteré & enraciné aux cerucaux de la plus part des hommes, qui pensent n'estre possible qu'ils puissent rien perdre sur vn escu ou autre monoye, soit domestique ou estrangere, pour ueu qu'ils la mettent pour le mesme pris qu'elle leur aura esté baillee. Ces pauures gens sont bien loing de leur compte, ainsi qu'il sera clairement demonstré par les mesmes termes du Paradoxe precedent.

Quand du temps dudit Philippes de Valois les escus, come dit a esté, ne valoyent que vingt sols piece, qui maintenat se mettent à cinquante sols pour le moins: le Gentilhomme qui auoit cinquante sols de menuz cens ou rentes, pour ces cinquante sols receuoit deux escuz & demy, ou monnoye d'argent à la valeur: pour lesquels deux escuz & demy il auoit demie aune demy quart de velours, à raison de quatre liures l'aulne, qui est le prix qu'il valoit alors, reuenat aux quatre escuz qu'il vaut de present. Maintenant pour payement desdits cinquante sols de rente, ce gentil-homme ne reçoit que

vn escu, ou monnoye d'argent à l'equipolent. Pour cest escu il n'aura auiourd'huy qu'vn quar tier de velours, à raison de dix liures que vaut maintenant l'aulne au lieu qu'il en auoit le téps passé, demye aulne dimy quart. Il pert doncques vn quartier & demy de velours sur son escu, combien qu'il l'ayt mis pour cinquatte sols, qui est le mesme prix qu'il l'a receu. Et sil préd ou met l'escu pour cinquante vn, ou cinquante deux sols, sa perte sera plus grade à l'equipolét.

L'officier qui auoit lors vingt liures de gages, pour payement de sesdits gages receuoit vingt escuz, ou monnoye d'argent à l'aduenat. Pour lesquels vingt escuz il pouuoit auoir cinq aulnes de velours, à ladite raison de quatre liures l'aulne, qui estoyent les quatre escuz, qu'il vaut de ceste heure. Maintenant pour payemet d'iceux vingt liures de gages, cest officier ne recoit que huict escuz à cinquante sols piece, ou monnoye d'argent à la valeur: pour lesquels huict escus il n'aura que deux aulnes de velours à ladicte raison de dix liures l'aulne qu'il vaur maintenant, au lieu qu'il auoit accoustumé d'en auoir cinq. Parquoy est manifeste qu'il pert sur ses huict escus trois aulnes de velours, nonobstant qu'il ait mis sesdits escus pour cinquante fols piece, commeil les a receuz.

Le bourgeois qui du temps du Roy Ican auoit trente six liures de rente sonciere ou con-

stituce,

stituce, pour payement de sadite rente, auoit trente fix francs d'or à pied ou à cheual, à raifon de vingt sols piece qu'ils valoyent lors, ou

monnoye d'argent à l'equipolent.

Pour lesquels trente six francs d'or, il pouuoit auoir neuf muis de vin, à raiso de quatre liures dudit temps, qui estoyent quatre francs d'or, valans douze liures de present, qui est le prix, ou pour vne année commune nous auons apprecié ledit muy de vin. Si ce bourgeois est maintenant payé de sadite rente de trente six liures en ladite monnoye de francs d'or, il n'en receura que douze, valants à raison de soixante fols piece, comme ils se mettent à present, ladite somme de trente six liures : pour lesquels douze francs d'or, il n'aura pour le iourd'huy que trois muis de vin, à ladite raison de douze liures qu'il vaut à present, au lieu que lors il en auoit neuf muis. Il pert donques six muis de vin sur ces douze francs d'or, encores qu'il les ait mis pour mesme pris de soixante sols qu'il les a receuz.

Il y a pareille perte sur toutes autres especes d'or, & en achept de toutes sortes de viures & marchandises, dont i'obmettray le discours, pour obuier à polixité.

Comptons maintenant par la monnoye hearnes alkind stoos

d'argent.

Le gentilhomme, ou autre de quelque estat qu'il qu'il soit, qui du teps dudit sainct Louys auoit seize liures de cens ou rente, pour luy payer ceste rente, on luy bailloit cinq marcs d'arget fin, ou monnoye d'or à l'equipolent. Car comme dit à esté au premier Paradoxe, au marc d'argent fin n'y auoit lors que la quantité de soixante quatre pieces, appellees fols ou gros tournois. Maintenant pour luy payer ceste rente, on ne luy baille qu'vn marc d'argent fin, par ce que les seize liures, qui sont trois cens vingt pieces des nouveaux sols ou douzains, ne contiennét au plus qu'vn marc dudit argent fin qui n'est que la cinquesme partie de l'argent cotenuaux premiers seize liures. En ce temps-là lon auoit pour seize liures, seize aulnes de drap', à raison de vingt sols l'aulne, aussi bonne ou meilleure que celuy qui à present couste cent sols tournois. Maintenant pour seize liures lon n'a que trois aulnes vn cinquesme dudict drap à cent fols l'aulne, au lieu q lon en auoit seize le temps passé: qui est perte de douze aulnes quatre cinquesmes de drap sur seize liures, cobien que lon ayt mis chacune liure pour pareil pris de vingt sols qu'elle à esté receuë.

Si nous le prenons au sold ou douzain, nous trouuerons le semblable. Car pour dix sols que le gentil-homme receuoit anciennemet de ses rentes ou censiues, contenans autant d'argent fin q les cinquante de maintenat, il pouvoit auoir cinq chappons, à raison de deux sols piece. Maintenant pour dix sols il n'a qu'vn chappon, qui est perte sur dix sols de quatre chappos, cobié, qu'il ait mis lesdits sols pour douze deniers chacun: qui est le mesme pris qu'il les a receuz.

Si celuy qui tient l'opinion contraire à ce Paradoxe, vouloit replicquer & dire qu'il ne se soucie point combien vaut l'escu, la liure, ou le fold, & qu'ayant cent liures de rente ou de gages, ce luy est tout vn, en quelles especes d'or ou d'argeut on le paye, ne pour quel pris on les luy baille, pourueu qu'il ait tousiours la somme de cent liures, & qu'il mette sessitées especes pour le mesme pris qu'il les reçoit: faudroit par mesme moyen qu'il se vantast d'auoir pour le iourd'huy autant de marchandise pour deux sols ou douzains nouueaux, qui sont quasi tous de cuiure, que lon en auoit le temps passé pour deux desdits vieils sols ou gros tournois, qui estoyent tous d'argent fin: & autant à present pour vn escu, que lon en auoit lors pour deux & demy. En quoy faisat il introduiroit & mettroit en auant vn troisiesme Paradoxe, bien plus estrage & difficile à croire que le premier. Car ce seroit à dire, que toutes choses seroyet maintenat à meilleur marché qu'elles n'estoyent d'ancienneté, d'autant que pour l'achept d'icelles lon bailleroit maintenant moins d'or & d'argent que lon n'en bailloit alors. Ce qui

SI

ne se peut demonstrer, car il n'est pas vray: & nous sustra bié de croire le premier Paradoxe, qui monstre que rien n'est encheri, sans tant nous abuser de cuider les choses estre maintenant à meilleur marché, qu'elles n'estoyent le

temps passé.

L'énergie & intentio de ces deux Paradozes est, pour monstrer (par le premier) que le Roy & ses suiects acheptent maintenat toutes choses aussi cher que lon faisoit le temps passé, par ce qu'il faut bailler aussi grande quantité d'or & d'argent fin que lon faisoit alors. Mais au moyen du surhaussemet de pris des monnoyes d'or, dont prouient par necessité l'empiremet & affoiblissement de celles d'argent, le Roy ne reçoit en payement de ses droicts domaniaux & autres, aussi grande quantité d'or & d'arget fin que ses predecesseurs. Pareillement les seigneurs & autres subiects de sa Maiesté qui ont cens, rentes, gages, estats & appointtemens, n'en reçoyuét aussi grande quantité d'or & d'argent fin qu'ils receuoyet le temps passé, mais font (comme le Roy) payez en cuyure, au lieu d'or & dargent. Pour lequel cuyure (suyuant le deuxiesme Paradoxe) Ionne peut recouurer autat de marchandise que lon feroit pour semblable quantité d'or & d'argent fin:ainsi la perte que lon cuide auoir par l'encherissement de toutes choses, ne vient pas de plus bailler, mais

de

de moins receuoit en quantité d'or & d'argent

fin, que l'on n'auoit accoustumé.

En quoy nous voyons clairement, que tant plus nous haussons le prix des monnoyes, tant plus nous y perdons: car de la vient le grand encherissemét, qui est maintenant de toutes choses, qui ameine une pauureté generale à tout ce Royaume.

Les mouuemens, occasions & proges de ce mal, seront cy apres amplement deduicts & demonstrez, auec le moyen certain & infalible pour y remedier, au grand bien & honneur de sa Maiesté, soulagement & commodité de tous ses subiects.

FIN.





DISCOVES

- DE IEAN BODIN SVR LE REhaussement & diminutió tant d'or que d'ar gent, & le moyen d'y remedier, aux Paradoxes de monsieur de Malestroict.
- A MONSIEVR PREVOST SEI-GNEVR DE MORSAN, PRESIDENT pour le Roy en fa cour de Parlemét & confeiller en fon priué confeil.

OVS sçauez, Monsieur, les plaintes ordinaires qu'on fait de l'encherissemet de toutes choses: les assemblees qu'o a faites par tom les quartiers de ceste ville pour y donner or-

dre: la peine qu'on a prinse à scauoir d'ou procedoit telle charté: à laquelle messieurs du Menil & du Faur aduocats du Roy, que nature semble auoir consacrez au bien public, se sont esforcez de remedier. En sin monsieur de Malestroit, employé en cest affaire par commandement du Roy, a publié un petit liuret de Paradoxes, ouil soustient contre tropinion de tout le monde, que rien n'est encheri depuis trois cens ans, ce qu'il a fait croire à pluseurs. Mais ces iours passe ayant leu son difcours, ie me suis aduisé de luy respodre un mot pour éclaircir & faire entendre ce point qui est de gran-

de consequence à tous en general, & à vn chacun en particulier: à la charge, s'il vous plaist, que vous serez arbitre d'honneur, m'asseurant que monsieur de Malestroit en sera bien d'acord. Car pour bie iuger un paradoxe, ou bien une opinion contraire à la commune, il faut vniuge tel que vous, à qui nature à donné l'esfrit si clair & le ingement si entier, qu'il est mal aisé entre cent mil d'en trouuer un parail. Ce que ie ne mets point entre voz louanges pour estre un don de nature, mais bien d'estre accompli d'un sçauoir gentil & liberal: d'auoir vne si grande experience des affaires d'estat, qui vous sont en telle recommendation, qu'un chacun sçait que vous auez long temps à oublie les vostres: combie que c'est mal parle a moy: car celuy ne peut oublier le particulier qui gouuerne si sagement le public, comme vous auel monstre aux plus grandes charges de la Republique, & sus tout au gouvernemet de Prouence, qui rend un perpetuel tesmoignage, que la prudece & dexterité incroyable d'ont vous auez vsé pour manier ce peuple là, en vn temps si perilleux auec une seuerité entremessee de douceur, merite de gouuerner non pas vne prouince,mais vn R oyaume: ce qui m'asseure au cas qui s'offre, non seulement que vous donnerez certain iugement de ceste question, ains aussi que vous sçaurez bientrouuer les moyens de remedier à la charte, que nous voyons en ce qu'il sera possible à l'esprit humain de pouuoir prudemment aduiser, meurement entreprendre, & heureusement executer.





Pencherissement de toutes choses, & le moyen d'y remedier.

REMIEREMENT iemettray Den bref les raisons de Malestroit. On ne peut, dit-il, se plaindre, que vne chose soit maintenant plus chere qu'elle n'estoit il y a trois cens ans: sinon que pour l'achepter il faille maintenat bailler plus d'or ou d'argent que lon ne bailloit lors. Or est il que pour l'achept de toutes choses lon ne baille point maintenant plus d'or ny d'argent qu'on en bailloit alors. Doncques puis ledit temps rien n'est enchery en France. Voylasa conclusion, qui est necesfaire, si on luy donne la mineur, & pour la preuue d'icelle, l'aulne de velours, dit-il, au temps du Roy Philippe de Valois ne coustoit que qua tre escus aussi bons, voire meilleurs en poix & en valeur que noz escuz soleil, & chacun escu ne valoit que vingt sols monnoye d'argent: maintenant que l'escuvaut cinquante sols, il faut dix liures pour aulnes, qui ne valent non plus que les quatre escuz. Doncques ladite aulne de velours n'est point maintenant plus chere qu'elle estoit alors. Il passe plus outre à toutes marchandises Latines, voire iusques à noz vins & bleds; mais toutesfois il n'a point de garend. Quand aux velours, le seigneur de Malestroit s'abuse de dire que l'aulne ne coustoit que quatre escuz du temps de Philippe le Bel: car il faudroit premieremet verifier qu'il y eust duvelours en France de ce temps là: car ceux qui l'ont voulu monstrer par Iustinian, où il parle de Holoberis & Holoburis n'ont pas esté receuz, & qu'ainsi soit, l'ordonnace de Philippe le Bel, publice l'an 1294. & enregiarce en la chambre des comptes, & non imprimee, que le seigneur de Malestroit maistre des coptes, la pouvoit veoir au liure intitule Ordinationes sancti Ludouici, pro tranquillo statu regni fol.44. porte disertement & en plus de cinquate articles la forme d'accoutremens que chacun doit porter depuis la personne des Princes iusques aux moindres valets, & toutesfoisil n'est mention ny pres ny loing de soye ny de fatin, ny de velours, ny de damas, ny de demy soye, ny de samin, ny d'aucune estoffe qui en approche, combien que l'ordonnance permet de porter de l'or en chesnes & ceintures à certaines, sans aucune defense de porter soye, soit aux homes ou femmes, Princes ou marchans, maistres ou valets, ce qu'elle n'eust pas oublié, veu que le premier article commence par defense

fense qui est tel. Nulle bourgeoise n'aura chesne, le secod. Item nul bourgeois ny bourgeoise ne portera or ny pierres precieuses ny ceinture d'or ny couronne d'or ny d'arget, ny sourures de verd, de gris, ny d'ermines, ce qui n'est pas de sendu aux nobles.

C'est donc vn abus d'apporter l'exéple du vel lours, qui n'estoit lors en France ny pour estre en lieu du monde car on apportoit bien des est pices de l'Indie, d'où la soye est venue, de l'Arabie heureuse qui est bien plus loing que Bourse où le velours a esté trouvé. Et quad je luy accor derois l'exéple du velours, ce n'est pas la raison de tirer en consequêce de toutes choses le pris du velours, qui desiroit estre lors la plus chere marchandise de Leuant, qu'iln'y auoit presque autres villes que Damasque en Surie, & Bourfe en Natolie, que les anciens appellovent Prusia! où l'on fist les velours & dainas. Peu à peu la Grece & l'Italie en ont eu l'vsagel: i& n'y a pas cent ans que les moulins à soye, que nous auos prins des Geneuois, estoyet inconnuz en France. Maintenat que Tours, Lion, Auignon, Toloze & autres villes de ce Royaume sont pleines de telles marchandises, jaçoit que tout le monde en porte, ce qu'on ne faisoit lors, toutesfois en si grande quantité, l'aulne du meilleur velours ne deuroit pas couster plus d'vn et cu à la raison qu'il faisoit lors, comme ie mon-Arcray

streray tantost Mais il susti pour ceste heure auoir monstré qu'il ne fault pas mette le velours pour l'exemple des autres marchandises Latines, & beaucoup moins de toutes choses.

Quad aux vins & bleds, il est tout certain, qu'ils coustent plus cher vingt fois qu'ils ne faisoyent il y a cent ans; ce que ie puis dire audir veu au Cadastres de Toloze, ou le sestier de blé, qui fait à peu pres la moitié du nostre, ne valoit que sa fols, maintenant il couste soixante sols au pris le plus commun, qui est 20, fois plus cher qu'il ne faisoit lors ? Et sans cercher plus loing, qu'en ceste ville, nous trouuons aux registres du chastelet, que le muy de blé de rente mesure de Paris ne coustoit que six vingt liures, l'an cinq cens vingt & quatre, iaçoit que deux ans au parauant les bleds auoyent esté gelé: sus laquelle estimation estoyent sondez les iugemens du Ghastelet: l'an cinq cens trente, le pris haussaiusques à cent quarante & quatre liures: & par arrest de la cour doné l'an cinq cens 31. certain contract fut casse faict à moindre pris. Maintonant que le pris ordinaire est haufle plus d'vn tiers, les contracts faits aupris des. arrests de l'an einq cens trente & vn, seroyent declarez vsuraires, si le debteur n'auoit le chois de payer argent pour grain au pris du denier douze.le ne parle point de l'an cinq cens soixãre & cinq, que le muy de blé commun coustoit au mois de May deux cens soixante liures en pur achept : mais ie parle des annecs comunes. depuis quarante ans sculement, nous voyons que le bléde rente qui coustoit cinquante escus soleil, afin que nous ne parlions point de liures, maintenant couste deux fois plus rellement que le meilleur blé en pur achept couste: de pris ordinaire six vingts liures, qui est autat qu'il coustoit de rente il y a quarante ans . Par ainsi Malestroit ne debuoit pas tirer en exemple les fruicts. Mais pour mieux verifier ce que ie di, laissons les fruicts, & venons au pris des chre alterees de leur bonté naturelle, pourueu qu'on ne les moque point, come lon dit, mais qu'on les cultiue comme on a fait depuis que Ceres dame, de Sicile en monstre l'vsage. Car il n'est pas vray semblable que la terre pour vi-i cillir perdre la vigueur, comme plufieur's pensent perare la vigueur, comme punteurs pen-fent (bien que Dieu par sa iuste vengeance a en-uoyé la sterilité depuis que que annecs.) Et qu'ainsi soit, depuis que Dieu posala Frace en-tre l'Espagne, l'Italie, l'Angleterre, & l'Alma-gne, il pour ucut aussi qu'elle sust la mere nou-rice portant au sein le cornet d'abondance, qui ne fut oncques & ne sera iamais vuide, ce que les peuples d'Asie & d'Afrique ont bie connu & confessé, come on peut voir par tous leurs escrits, & mesmement en la harangue du Roy Agrip-B 4

Agrippa, voulant renger les Iuifs rebelles & mutins souz l'obeissance des Romains, Voyez dit-il, la Gaule, qui a trois cens quinze peuples enuironnez des Alpes, du Rhin, de l'Ocean, & des Pyrenees, qui arrouse presque toute la terre de sourses inépuisables de tous biens : neantmoins ces peuples belliqueux ont plié souz la puissance de cest Empire, apres auoir vaillamment combatu quatre vingts ans, plus estonez de l'heur & gradeur des Romains, qu'affoibliz de langueur, veu qu'ils n'ont que douze cens soldats pour toute garnison, qui n'est pas à peu pres tant d'hommes que de bonnes villes. Par là nous voyons que la France n'estoir pas l'ors plus sterille qu'elle a esté depuis, monstrons aussi qu'elle n'est pas aujourd'huy moins fertile. Ciceron parlant de la fertilité de Sicile, que les Romains appelloyent leur grenier, dit que la meilleure terre n'apportoit que douze pour vn,encore, dit-il, quelle fust fauorisee des dieux. Nous auos auiourd'huy en nostre valce de Loi re, en Brie, en Xaintonge, en l'Alimagne d'Auuergne, en Languedoc, & mesme en l'isse de France de meilleures terres au jugemet de tous les paysans. Et neantmois nous voyos que depuis cinquate ans, le pris de la terrea creu, non pas au double, ains au triple: tellement que l'arpent de la meilleure terre labourable au plat pays, qui ne coustoit anciennement que dix ou doudouze escuz, la vigne trête, auiourd'huy se ved le double, voire le triple d'escuz pesans vn diziesme moins qu'ils pesoyent il y a trois cens ans. Ce que Malestroit m'accordera s'il veut prédre la peine de fueilletter tant soit peu noz registres. Et sans recercher les contracts particuliers, qu'on peut voir par tout, ie vous appelle à tesmoing, Monsieur, qui auez manie tous les aucuz de la chambre, & tous les cotracts du tresor de France, si les Baronnies, Comptez, Duchez qui ontesté aliences ou reuniees à la courone, ne vallent pas autant de revenu qu'elles ont esté pour vne fois vendues. Chach sçait que le Coté de Venize & d' Auigno vaut deux fois autat de reuenu qu'il a esté engagé. Charles le sage achepta le Côté d'Auxerre du Comte, payant trente & vn mil franc d'or : qui sont, autant d'escuz ou enuiro. I ay apprins de monsieur Fauchet conseiller, que ie tiens pour vn fidele registre de belles antiquitez, que Herpin vendit le Duché de Berri au Roy Philippe premier l'an mil cent, pour accompagner Godfroy de Bouillon, & ce pour la somme de soixante mil escuz d'or. Il y a ainsi en noz annales, comme il se peut entendre en plusieurs loix des Lombars, Saxons, Francons, Ripuaires, ou lon voit toutes les amendes taxees par folds, comme quand il est dit, qui aura tué vn homme libre payera cent folds: qui l'aura lié

payera dix solds, ce que ie di en passant, par ce que l'ay veu vn proces des anciens statuts de la ville d'Amiens, sus ce que les parties sans propos prenoyer les sols pour noz douzains. Aufsi est il certain que les premiers solds d'argent ne furent forgez que deux cens ans apres par fainct Louys. Prenons le cas que tels folds d'or fussent du poix & valeur des sols d'or de Iusti nian, car les loix de tous ces peuples furent faites quasi en mesme téps:ce ne seroyent au plus. fort que soixante mil angelots ou soixante mil reales d'or, côme ie diray tantost. carle sol mes mes d'argent ne pesoit pas tant de beaucoup. & est vray-semblable que le sold d'or fut forgé de mesme poix: toutesfois ie veux bien qu'il pese le sol de Iustinian. le trouve aussi aux antiquitez d'Italie, que l'Empereur Rol vendit Luque aux habitans douze mil escuz, & Florence fix mil:comme escrit Blonde aulib . huistiesme de la seconde decade, auiourd'huy il y a cer maisons en Florence qui valent trois fois autant q la ville fust vendue: Nous trouuos aussi aux odonnances de Philippes le Long, du droit de bourgeoisse en date de 1318, qu'il est porté q celuy qui voudra auoir droit de bourgeoisie en autre lieu du Royaume, qu'il sera. tenu achepter vne maison du pris de lx. sols pa ris. Et si Malestroit ne se contente de telles antiquitez, prenons les anciens aueux de la chambre:

bre: prenons les coustumes de France, & mesmes celles de monpays d'Anjou: nous trouuerons l'article ccccxcix qui porte ces mots: Charge de mestail xxv.s.tour.charge de seigle xx 11.f.fix den.charge d'orge xv.f.le cheureau trois s. & quatre den. chapon x11. den. poule vi II. den. mouto gras sept s. six den. couruces de bœuf à journees d'huyuer dix den. L'an mil cinq cens huict la coustume fut arrestee & homologuee. Ie trouue que celle d'Auuergne en fait meilleur conte, carle mouton gras auec la laine n'est prisé que cinq s. le cheureau xvIII. d. la poule six den. le conin dix d. l'oyson vi.d. le veau v.f. le cochon x.d.le pan deux.file faifan. xx. den.le pigeo vn d. la charetee de foin à cinq quintaux xxv. f. maneure de bras en esté six de en hyuer IIII.d.charroy à beufs en hyuer xII. d. en Bourbonois, la charetee de foin à douze quintaux n'est prisee par la coustume que dix s. en l'article cocciv. & en préve faux coustumes de la Marche accordees l'an mil cinq cens vingt & vn, la chair du mouto entier sans laine n'est prisee que 11. s six d.la charetee. de foin pesant, quinze quintaux x 1 1 f.la charetee de bois. douze d.le veau x v 1 1 1.d. l'oye douze den. Par la coustume de Troye en Champagne le sestier, du meilleur froment mesure de Troyen'est esti mé que xx. f. tourn. le seigle dix s. l'orge sept s. l'auoine cinq s.la iournee d'vn homme douze den,

den. d'yne femme six den. Ici Malestroiene peut dire que depuis soixate ans tout n'aye encheri dix fois autat pour le moins, ie di en quel que monoye qu'il prenne, comme ie monstreray tantost, car si vne terre ne peut estre véduc que au denier vingt & cinq ou trente pour le plus en seigneurie & iustice, par consequent le pris des terres est dix fois plus haut qu'il n'estoit il y a soixate ans: qui recerchera plus hauc les aueux & registres, il trouuera q c'estoit bien cher eu efgard au pris ancien le laisse vne infinité de pareils exéples, sans toucher au doigt ce que vn chascun voit à l'œil, & me suffist pour ceste heure d'auoir monstré la charté aux Duchez, Villes & Comtez, & aux terres qui ne peuuent empirer par vieillesse. Ce qu'on entedra beaucoup plus aisémet, si on sçait l'origine & cause de la charté.

Ietrouve que la charté que nous voyons, viet quasi pour quatre ou cinq causes. La principale & presque seule (que personne insques icy n'a touchée) est l'abondance d'or & d'arget, qui est autourd'huy en ce Royaume plus grande qu'elle n'aesté il y quatre cens ans, ie ne passe point plus outre, aussi les registres de la cour & de la chambre, ne passent point quatre cens ans, le surplus il le faut cueillir de vieilles histoires auec peu d'asseurance. La seconde occasion de charté vient en partie des monopoles

La troisiesme est la disette, qui est causee tant par la traitte que par le degast. La quatriesme est le plaisir des Roys & grans seigneurs, qui hausse le pris des chose qu'ils aiment. La cinq. iesme est pour le pris des monnoyes, raualé de son ancienne estimation. Ie toucheray briefuement tous ces poincts. La principale cause qui encherist toutes ces choses en quelque lieu que ce soit, est l'abondance de ce qui donne estimation & pris aux choses. Plutarque & Pline telinoignet, qu'apres la conqueste du Royaume de Macedoine sus le Roy Perses, le capitaine Paul Aemyl apporta tant d'or & d'argent en Romme, que le peuple fur afranchi de payer tailles, & le pris des terres en la Romagne haussa deux tiers en vn moment. Et Suetone dit que l'Empereur Auguste apporta tant de richesses d'Egypte, que l'vsure, diminua, & le pris des terres fut plus cher de beaucoup qu'il n'estoit au parauant. Ce n'estoit donc pas la disette des terres, qui ne peuvent croistre ny diminuer, ny le monopole, qui ne peut auoir lieu en tel cas: mais c'estoit l'abondance d'or & d'argent qui cause le mespris d'iceluy, & la charté des choses prisees, comme il aduint à la venue de la Royne de Candace, que l'escripture sainte appelle Royne de Saba, en la ville de Ierusalem, ou elle apporta tant de pierres pre-cieuses qu'on les fouloit aux pieds. Et quand PEC

l'Espagnol se seit seigneur des terres neusues, les coignees & cousteaux estoyet plus cher veduz q les perles & pierres precieuses, car il ny auoit cousteaux que de bois & de pierre, & force perles. C'est doc l'abondace qui cause le mes pris. En quoy l'Empereur Tibere s'abusoit bié fort, faisant trencher la teste à celuy qui auoit redu le verre mol & maleable, de peur come dit Pline, que si la chose estoit éuantee, l'or ne perdist son credit, car l'abondance de verre, qui se fait quasi de toutes pierres, & de plusieurs herbes, eust toussours causé le mespris. Ainsi aduient il de toutes choses.

Il faut donc monstrer qu'il n'y auoit pas tat d'or & d'argent en ceroyaume il y a trois cens ans, au temps duquel parle Malestroit, qu'il y a maintenant: ce que lon connoist à veue d'œil. Car s'il y a de l'argent par pays, il ne peut estre si bien caché, que les Princes ne le trouuent en leur necessité. Or est il que le Roy Ican ne peut onques trouuer soixate mil francs à credit (pre nons que soyent escuz) en son extresme necessité, & depuis la journee de Poitier qu'il sut pri sonnier huict ans des Anglois, ny ses enfans ny ses amis, ny son peuple, ny luy mesmes qui vint en personne, ne peut touuer sa rançon, & sut contraint s'en retourner en Angleterre attendant qu'on luy seroit argent. Et la rançon du Roy d'Escosse qui sut prisonnier 12 ans apres, n'estoir

n'estoit que de cent mil nobles d'or que le Roy d'Escosse ne peut trouuer, de sorte que Charle V.Roy, luy promit payer la ranço, en traittant alliance aucc Robert Roy d'Escosse 1371. come il appert par le traitté. Sainct Louys fut en mesme peine estant prisonnier en Egypte. Il n'est pas vray semblable que le peuple Fraçois, lequel naturellemet aime son Roy, & lors plus que iamais, & mesmes yn tel Roy, qui n'eust onques, & peut estre oncores moins aura cy apres son pareil, cust voulu souffrir de voir esclaue des Mahometistes, qu'ils auoyent lors en extresine horreur, toutesfois Saladin sut contraint le laisser pout faire sa rançon, prenant pour gage l'hostie qu'il portoit auec luy, & sans la deuotion qu'auoit le bon Roy, elle fust demource pour les gages : l'en trouve qui disent qu'il n'estoit questio que de deux cens mil bezans d'or, que le seigneur de Ionuille estime cinq cens mil liures, & dit que la Royne auoit la rançon en ses coffres, ic m'en rapporte àce qui en est. Aussilions nous en noz vicilles histoires, qu'a faute d'argent on fist monnoye de cuir auec vn clou d'argent; qui monstre bien l'extresme necessité d'or & d'argent qui estoit l'ors en France. Or si nous venos à nostre aage, nous trouuerons qu'en fix mois le Roy a trouuéen Paris, sans aller plus loing, plus de ttois millions quatre cens mil liures hors les deniers des

32 des offices, qui furent aussi trouuez en Paris, outre les deniers des aides & du domaine. Vray est que la necessité forçoit nostre Prince pour nous rédre la lumiere de la paix. Nous trouuos aussi que Philippe 3. assigna à Charle, qui de-puis sut Comte de Valois x.mil liures de rente en apanage, & au traitte de paix entre les Roys Philippe le Bel, & Edouart Isabelle de France fut promise & depuis marice au fils du Roy d'Angleterre à xvIII. milliures tourn. pétits. de douaire & rien plus, & à son fils Philippe le Long bailla en apanage xx.mil liures tourn. de rente. 1 3 1 1 . Et par l'ordonnance du Roy Charles v. l'apanage des enfans de Frace n'est que de xII.milliu.torn.de rente, ou fix vingts mil pour vne fois payee,& d'vne fille de France Lx.mil pour vnc fois . Or on voit qu'il y auoit lors plus d'argent que du temps de Philippe le Bel:car Philippe de Valois ayeul du Roy Charle v. par, l'apanage de Ican son fils il veut que s'il n'a que filles, la premiere aura sept mil liure de rente en affiette, la seconde deux mil en assiette,& cinquate mil vne fois payez, la troifielme mil, & quarante mil vne fois payez, l'apanage fut fait l'an 1331. Prenons l'aage de Charle septiesme, qui mit le premier la solde sus le peu ple, & souffrit beaucoup de mutineries de ses subiects, combien qu'il eust donné la chasse aux Anglois, & acquis autant en dix ans que ses peres auoyent perdu en deux cens; neantmoins il ne Peut trouuer qu'vn milion & sept cens mil francs pour toutes charges, come escript Philippe de Commines. Et Charles vi. son pere ne leuoit que c c c. mil liures, dequoy les estats tenuz à Paris 1444. se plaignoyent sort. Et neantmoins Charles i x. leuoit quatorze miliosl'an M.D.LXX II. Louys vnzieline ayant reuni les Duchez deBourgoigne, d'Anjou, & le Conté de Prouence à la courone, & plusicurs grandes confications, print trois milions plus que son pere, dequoy le peuple se sentoit si soulé, qu'à la venue de Charles hui diesme son fils, il fut ordonné à la requeste & instance des estats, que la moitié des charges seroyent trenchees. Depuis l'abondance d'or & d'argent à faict que pour la charté des choses, & vilité d'argent, les charges ont esté plus grandes, & le mariage de la fillé aisnec du Roy Henry a cu quatre cens mil escuz en mariage, les autres n'en ont pas eu moins, qui estoit hausser quatre fois autant que Renée de France, fille de François auoit eu en mariage, c'est à sçauoir, cent mil escuz. Et si on demande où estoit l'or & l'argent, il se trouue que l'Italie pour la grandeur de la trafique & asseurance de la paix, entre les Princes auoit attiré tout l'or de l'Euro-Pe: & de fait on trouue que au mesme téps de l'ordonnace de Charles v. que les filles de Fran

34 ce n'auoyent que Lx. mil liures en mariage vne fois payee. Galiace 2. Viconte de Milan, donna deux cens mil escuz pour le mariage de sa fille auec Lyonet filz du Roy d'Angleterre, & son frere Barnabo, qui auoit la moitié du Viconté de Milan, donna deux milions d'or pour le mariage de neuf filles legitimes, & deux bastardes, encores qu'il eust cinq enfans masses legitimes, & deux bastards, comme nous lisons en l'histoire de Milan, & son nepueu Galeace premier Duc de Milan, maria sa fille Valentine à Louys de France Duc d'Orleans, luy donna en mariage quatre milflorins dor, six cens soixante sept marcs d'argent en douaire, sans ses ioyaux, & le Côté dast & promesse, que le Duché de Milan iroit à Valentine & à ses heritiers defaillant les masses, Louys, Sforce surnomme le noir, gouuerneur de Milan, maria sa niepce-Blanche Sforce auec l'Empereur Maximilian luy bailla quatre cens mil escuz, & soixante mil ducats en mariage, 1494. outre quatre cens mil escuz qu'il paya depuis pour l'inuestiture de Milan. Que mosseur de Malestroit fueillete les registres de la chambre, il sera d'acord que moy, qu'on a trouué plus d'or & d'argent en

France pour la necessité du Roy & de la repubdepuis l'an cinq cens quinze iusques à l'an soi xante huit, qu'on n'auoit peu trouuer au para

uant en deux cens ans. Et si on veut dire qu'il

35

pout

n'y a pas plus d'or & d'argent qu'il y auoit, mais que depuis peu de temps les Italiens nous ont? presté ceste charité, on peut iuger le contraire: carilest certain que de tout temps il y a eu des bannis de ce pays la, qui outre les ordures qu'ils ont aporté en ce Royaume, ont tousiours fait la guerre à Dieu & au pauure peuple, s'efforceans par tous moyens d'arracher la bonté naturelle du ceur de noz Roys, en haine dequoy ils furent chassez de France, & leur bien confisqué du temps de Philippe le Long, & depuis ce temps-là, tousiours noz peres ont taxé au double les lettres qu'on appelle Lobardes à la chancelerie. Aussi trouuos nous que Philippe de Valois imposa le premier la gabelle sur le sel, qui a haussé de quatre deniers pour liure à quarate cinq liures fus muy & plus. Ils euslent donc bien trouué l'arget s'il y en cust en autant qu'a-Present, car Philippe le Long ne fist point de conscience de demader au peuple la cinquesine Partie du reuenu d'vn chacun.

Mais, dira quelqu'vn, d'ou est venu tant d'or & d'argent depuis ce temps-là? Ie trouue que le marchand & l'artisan, qui font venir l'or & l'argent, cessoyent alors, car le François ayat vn pays des plus fertiles du monde, s'adonnoit à labourer la terre & nourrir son bestail, qui est la plus grande mesnagerie de France, tellement que la trassique du Leuant n'auoit point cours,

pour la crainte des Barbares qui tiennent la coste d'Afrique, & des Alarbes, que noz peres appelloyent Sarafins qui commandoyent en toute la mer Mediterrance, traitant les Chrestiens qu'ils prenoyent, comme esclaues a la cadene. Ét quant à la trafique du Ponant, elle estoit du tout inconneue deuat que l'Espagnol eust fait voile en la mer des Indes. Joint aussi que l'Anglois, qui tenoit les ports de Guiéne & de Normadie, nous avoir clos les auennes d'Espagne & des isles. D'autre part les querelles de la maison d'Anjou & d'Aragon, nous coupoyent les ports d'Italie. Mais depuis cent cinquante ans noz peres ont donné la chasse aux Anglois, & le Portugalois cinglat en haute mer auec la boufsole, c'est fait maistre du Golfe de Perse, & en partie de la mer rouge, & parce moyen a rempli ses vaisseaux de la richesse des Indes & de l'A rabie planteureuse, frustrat les Venitiens & Ge neuois qui prenoyent la marchandise de l'Egypte & de la Suric, ou elle estoit apportee par la carauanne des Alarbes & Persans, pour nous la vendre en detail & aux poix de l'or. En ce mesme temps le Castilian ayant mis souz sa puissan ce les terres neufues pleines d'or & d'arget en a rempli l'Espagne, & a monstré la route à noz Polites, pour faire le tour d'Affrique aucc vn merueilleux prouffit. Il est incroyable, & toutoutesfois veritable, qu'il est venu du Peru depuis

puis l'an 1533. qui fur coquis par les Pyurres, plus de cent milions d'or, & deux fois autant d'argent, la rançon du Roy Atubalira reuenoit à 1326000. bezas d'or, lors au Peru les chausses de drap coustoyet trois cens ducats: la cape mil ducats: le bon cheual, quatre ou cinq mil: le bocal de vin 200. ducats: comme tesmoigne l'histoire des Indes. Et neantmoins Augustin de Zarate, maistre des comtes du Roy Catholique a trouvé que les officiers du Roy Catholique au Peru, sont demeurez en debet aux coptes arrestez de dixhuict cens mil pezans d'or,& de six cens mil liures d'argét, sans la trasique & proufit incroyable q le Roy de Portugal faict auxMoluques, ou croisset les cloux de girofles, canelles, & autres drogues precieuses les ayant cuës de l'Empereur Charles v. par engagemet pour 350000. ducats, lors qu'il passa à Boulongne la Grasse, pour se faire couroner Empereur, que les Italiens ont voulu degager & payer la somme content: mais l'Empereur n'a pas voulu pour l'alliance des deux maisons. Or est il que l'Espagnol, qui ne tient vie que de France, estant contraint par force inéuitable, de prendre icy les bleds, les toiles, les draps, le pastel, le rodon, le papier, les liures, voire la menuiserie & tous ouurages de main, nous va cercher au bout du monde l'or & l'argent & les epiceries. D'autre costél'Anglois, l'Ecossois, & tout le

38 le peuple de Noruege, Suede, Danemach, & de la coste Baltique, qui ont vne infinité de minieres, vont fouyr les metaux au centre de la terre, pour achepter noz vins, noz safrans, noz pruneaux, nostre pastel, & sur tout nostre sel, qui est vne manne que Dien nous donne d'vne grace speciale auec peu de labeur: car la chaleur defaillant au peuple de Septentrion outre le quarante septiesme degré, le sel ne s'y peut faire, & au desouz du quarante & deuxiesine, la chaleur trop ardante rend le sel plus corrosif, & encores plus le sel des minieres d'Hespagne, Naples, & de Poulongne: qui gaste bien sounent les personnes & les saleures, tellement que les salines de la Franche comté, & la pierre de sel en Espagne & en Hongrie, n'aproche en rien qui soit de la bonté du nostre. Cela fait que l'Anglois, le Flameng, & l'Ecossois, qui font grande trafique de poissons salez, charget bien souvent de sable leurs vaisseaux à faute de marchandise, pour venir acheter nostre sel à beaux deniers contans. L'autre occasion de tant de biens qui nous sont venuz depuis six ou sept vingt ans, c'est le peuple infini qui est multiplicen ce Royaume, depuis que les guerres ci-uiles de la maison d'Orleans & de Bourgogne furent assopies: ce qui nous a fait sentir la douceur de la paix, & iouir du fruit d'icelle vn long temps, & iusques aux troubles de la religion: car la guerre de l'estranger que nous auons eu depuis ce téps-là, n'estoit qu'vne purgatio de mauuailes humeurs necessaire à tout le corps de la republique. Au parauant le plat pays & presque les villes estoyent desertes pour les rauages des guerres ciuiles, pendat lesquelles les Anglois auoyét facagé les villes, brussé les vil-lages, meurtri, pillé, tué vne bonne partie du peuple François, & rongéle surplus insques aux os: qui estoit cause de faire cesser l'agriculture, la trafique & tous ars mécaniques. Mais depuis cent ans on a defriché vn pays infini de forrests & de landes, basti plusieurs villages, peuplé les villes, tellement que le plus grand-bien d'Espagne, qui d'aillieurs est deserte, vient des colonies Françoises, qui vont à la file en Espagne, & principalement d'Auuergne & du Limousin: si bien qu'en Nauarre & Arragon presque tous les vigneros, laboureurs, charpentiers, maçons, menuisiers, tailleurs de pierres, tourneus, charos, voituriers, chartiers, cordiers, carriers, selliers, bourreliers, sont Erançois.car l'Espagnol est paresseux à merueilles, hors le fait des armes & de la trafique. & pout ceste cause il aime le Fraçois actif & serniable, come il sit conoistre à l'entreprinse du prieur de Capoue à Valence, ou il se trouua dix mil François seruiteurs & artisans, qu'on vouloit molester, comme ayant eu part à la coniuratio con C 4 tre

tre Maximilian qui lors estoit lieutenant general en Espagne: mais il aduint que les maistres & habitans de Valence les cautionnerent tous.

Il y en a aussi grand nombre en Italie.

Encores y a il vne autre occasion des riches se France, c'est la trasique du Leuant, qui nous a esté ouuerte par l'amitié de la maison de France aucc la maison des Othomans du téps du Roy François premier, tellement que les marchands François depuis ce temps-là ont tenu boutique en Alexandrie, au Cayre, à Barut, à Tripoli, aussi bien que les Venitiens & Geneuois, & n'ont pas moins de credit à Faix & à Maroch, que l'Espagnol, ce qui a esté decouuert depuis que les Iuis chassez d'Espagne par Ferdinand, se retirerent au bas pays de Languedoc, & accoustumerent les François à trasiquer en Barbarie.

Autre cause de l'abondance d'or & d'argent a csté la banque de Lion, qui fut ouuerte, à dire la verité, par le Roy François premier, qui comença à prendre l'argent à huict, & son successeur à dix, puis à seize, & insques à vingt pour cent en sa necessité. Soudain les Florentins, Luquois, Geneuois, Suisses, Alemans afriandez de la grandeur du prousit, apporterent une insinité d'or & d'argent en France, & plusieurs s'y habituerent, tant pour la doucent de l'air, que pour la bonté naturelle du peuple, & la fertilité

du pays. Par mesme moyen les rentes constituces sus la ville de Paris, qui montet à trois millions, trois cens cinquante mil liures tous les ans, ont aleché l'estrager qui a porté icy ses deniers pour y faire proufit, & en fin s'y habitue: ce qui a fort enrichi ceste ville. Vray est que les ars mecaniques, & la marchandise auroit bien plus grand cours à mon aduis, sans estre diminuce par la trafique d'arget qu'on fait: & la ville seroit beaucoup plus riche, si on faisoit com me à Genes, où la maison sainct George prent l'argent de tous ceux qui en veulét apporter au denier vingt,& le baille aux marchads pour tra fiquer au denier douze ou quinze, qui est vn moyen quia cause la grandeur & richeste de ceste ville là, & qui me semble fort expedient pour le public & pour le particulier. Combien que l'estime encore plus la prudence & bonté de deux grands Empereurs, Antoninle Piteux & Alexandre Seuere, qui bailloyent l'argent de l'espargne aux particuliers à quatre pour cent, qui n'est qu'au denier vingt & cinq : & qui plus est Auguste en bailloit sans interest à ceux qui bailloyent caution de payer le double à faute de rendre l'argent au temps prefix, comme dit Suctone, & par ce moyé oftans l'occasion aux finaciers de piller le public, les pauures suiects trafiquoyent & gaignoye beaucoup, & le Prin ce n'estoit point contraint d'emprûter, ny ven dre

dre son domaine, ny escorcher son peuple, ains au contraire le bon Alexandre ménageant de ceste sorte, raualla les daces & impost de trente pars: tellement que celuy qui payoit trente & vn escu de charges & subsides souz Heliogabale (monstre de nature) n'en paya qu' vn souz Alexandre.

Voila, Monsieur, les moyens qui nous ont apporté l'or & l'argent en abondance depuis deux cens ans. Il y en a beaucoup plus en Espagne & en Italie qu'en Erance, parce que la noblesse mesmes en Italie trasique, & le peuple d'-Espagne n'a autre occupatio, aussi tout est plus cher en Espagne & en Italie qu'en France, & plus en Espagne qu'en Italie, & mesmes le seruice & les euures de main, ce qui attire noz Au uergnaz & Limofins en Espagne, comme i'ay sçeu d'eux mesmes, parce qu'ils gaignét au triple de ce qu'ils font en France : car l'Espagnol riche, hautin, & paresseux, vend sa peine bien cher, tesmoing Clenard, qui met en ses epistres au chapitre de despense, en vn seul article, pour faire sa barbe en Portugal quinze ducats pour an. C'est d'onques l'abondance d'or & d'argent qui cause en partie la charté, des choses.

Ie passeray l'autre occasion de charté, par ce qu'elle n'est pas si considerable au cas qui s'offre,c'est à sçauoir, les monopoles des marchas, artisans, & gaigne-deniers: lors qu'ils s'assem-

blent

blent pour asseoir le pris des marchandises ou pour encherir leur iournees & ouurages, & par ce que telles assemblees se couurer ordinairement du voile de religion, le Chancelier Poyet auoit sagement aduité qu'on deuoit oster & re trencher les cofrairies, ce qui a esté depuis con firmé à la requeste des estats à Orleans, tellement qu'il n'y a point faute de bonnes loix.

La troisiesme cause de l'encherissement est la disette, qui aduiét par deux moyens. L'vn est pour la traitte trop grande qui se fait hors le Royaume, ou pour l'empeschement d'y appor ter les choles necessaires: l'autre pour le degast qu'on en faict. Quand à la trette, il est certain que nous auons les vins & bleds à meilleur compte pendant la guerre auec l'Espagnol & Flameng, qu'apres la guerre, lors que la trette est permise: car les fermiers en partie sont contrains de faire argent: le marchand n'ose char-, ger ses veisseaux: les seigneurs ne peuucut longuement garder ce qui est perissable, & par cosequent il saut que le peuple viue à bon marché: car noz peres nous ont apprins vn ancien prouerbe, que la France ne fut iamais afamee, c'est à dire qu'elle a richement dequoy nourrir son peuple quelque mauuaise annee qui suruienne, pourueu que l'estrager ne vuide noz gra ges. Or est il certain que le blé n'est pas si tost en grain, que l'Espagnol ne l'emporte, d'autant

que l'Espagne, hors mis l'Arragon & la Grena de, est fort sterile, ioint la paresse qui est naturelle au peuple, come i'ay dit: tellement qu'en Portugal les marchands blatriers ont tous les privileges qu'il est possible, & entre autres il est defendu de prendre prisonnier quiconque porte du blé à vendre, autrement le peuple accableroit le sergent, pourueu que celuy qui porte le blé dise tout haut, Traho dridigo, c'est à dire, ie porte du blé. Et cobien qu'il soit defedu de tirer l'or & l'arget d'Espagne sus grades pei-nes, si est il permis pour le blé seulement. Cela fait que l'Espagnol emporte grade quantité de blé.D'autre part, le pays de Languedoc & de Prouence en fournist presque la Toscane & la Barbarie, cela cause l'abondance d'argent & la charté de blé:car nous ne tiros quasi autre marchandises de l'Espagne que les huiles & les epiceries, encores les meilleures drogues nous viennent de Batbaric & du Leuant. Del'Italie nous auons tous les aluns, & quelques sarges & soyes : combien que le bas pays de Languedoc & la Prouece a plus d'huiles qu'il n'en faut pour noz prouisions. Et quant aux sarges & soye, il s'en fait bien d'aussi bonnes en ce Royaume qu'en Florence & a Genes, au ingement de maistres, & les marchas en sçauent bien fai re leur prouffit, les batizant a leur plaisir. Quat aux aluns, si nous voulions coupper les veines du mone

du mont Pyrence, il est certain que nous y trou uerions des sources non seulement d'alun, ains aussi d'or & d'arget, veu que plusieurs Alemans en ont fait bon raport, & maistre Dominique Bertin m'a monstré sur ces lieux, & en a fait la preuue au Roy Henry de tous metaux, aucc vne infinité de coupe rose, d'aluns, & de marcasite. Entre autres choses il s'est touué, que il y a plus d'alun qu'il n'en faut pour toute la France, iaçoit qu'il en vient d'Italie pour plus d'vn milion tous les ans, comme il a verifié. C'est à luy à qui nous deuos les beaux marbres noirs, blac, madrez, iaspez, serpentines, qu'il a enuoyé des monts. Pyrenecs iusques à Paris: & m'asseure q s'il auoit le credit, nous n'aurions plus que faire des aluns d'Italie. En quoy faisant l'Italien ne auroit plus que des afiquets, des fausses pierres, & des parsums pour tirer l'argent de ce Royaume, c'est le moyen qu'ils ont trouué, n'ayant plus q troquer auec noz marchandises, de nous vendre des fumees, qui sont si cheres, qu'il y a tel perfumeur Italien qui a vendu à vn seigneur de ce Royaume, comme vous sçauez, pour qua tre cens escus de gans, & n'en auoit que pour sa prouisio d'yn an. Si mes souhaits auoyent lieu. ie desirerois que les princes en fissent aussi peu d'estime que Vespasian l'Empereur, ie m'asseure que les parfums de Gascongne osteront la charté à ceux d'Italie.

Quant

Quand à la quatriesme cause de l'encherissement, elle prouient du plaisir des Princes, qui donnent le pris aux choses, car c'est vne regle generale en matiere d'estat & de republiques, que Platon à le premier aperceue, que non seulement les Roys donnent loy aux subiects, ains aussi changét les meurs & faços de viure à leur plaisir, soit en vice, soit en vertu, soit en choses indifferentes. Ie n'vseray d'autre exemple que du Roy François premier, qui se sit tondre pour guerir d'vne blessure qu'il auoit en la teste: soudain le courtisan, & puis tout le peuple fut tondu, tellement qu'on se mocque auiourd'huy des longs cheueux, qui estoit l'ancienne marcque de beauté, & de liberté (aussi la perruque blonde est iugee des ancies la beauté du peuple de Septentrió) tellemét que noz premi ers Rois defendirent aux subiects hors mis aux Francons naturels, de porter longs cheueux, en signe de seruitude:coustume qui dura iusques à ce que Pierre Lombard Euesque de paris, fist leuer les defenses par autorité qu'auoyent lors les Euesques sus les Roys. Qui suffiss en passant, pour monstrer que le peuple se conforme tous iours à la volonté du Prince, & par consequent prise & enrichist tout ce que les gras seigneurs ayment, encores que les choses en soyent indignes, comme l'Émpereur Carucula donna la charté inestimable à l'ambre iaune, comme dit Phistoi-

47

l'histoire, pour ce qu'il estoit dela couleur des cheuenx de sa mic.

Nous auons veu trois grands Princes d'vn mesme teps, à l'enuy l'un de l'autre qui auroit de plus belles pierres, de plus sçauas hommes & de plus gentils artisans, à sçauoir le grand Roy François, le Pape Paul troissessie, & le Roy Henry d'Angleterre : si bien que le Roy François ne voulut iamais que le Roy d'Angleterre eust monsieur Budé, quelque requeste qu'il en fist : & si ayma mieux payer soixante douze mil escuz sol tresbuchans d'vn diamene que le Roy d'Angleterre l'emportast sur luy, foudain la noblesse & le peuple commença de estudier en toutes sciences, & d'achepter pierres precieuses, quoy qu'elles coutassent :tellement que les Italiens ayant senti le vent denoz appetits en ontplus falsifie en vingt ans, que l'Indien en produisit oncques de naturelles : ce qu'eux mesmes n'ont peu celer appellat le Fran çois lourdaut, comme escrit Cardan, de se laisser ainsi escorner. Depuis que le Roy Henry mesprisales pierres, on men veidiamais si grad marché, c'estoit donc le plaisir des grands seigueurs qui haussoit le pris des pierres preticuses, & non pas la disette, veu que telles pierres ne peuvent diminuer n'y perir, hors mis l'Eme raude, qui est vn peu fragile, & la perle qui noircist, & se pourrist à la longue. Mais quand les grands

48

grands seigneurs voyent leurs subjects auoir à foison les choses qu'ils ayment, ils commencent à les mespriser, ioint aussi que l'abondance de soy cause le mespris, comme nous voyons de la perle, qui est à grand marché pour l'abondance qui est venue des terres neufues, car il se trouve és histoires des Indes que le quint de perles apporté à l'Empereur reuenoit à 160. liures de poix pour vne fois seulement : & neantmoins c'estoit anciennement le plus precieux ioyau de nature, comme dit Pline, encores disons nous en commun prouerbe d'vn hommeillustre, ou d'vne chose belle par excellence, c'est vne perle, & le grand Negus, que nous appellons Prestre Iean, seigneur de cinquante Prouinces, met en son titre d'honneur, Iohan Belul, qui est à dire, perle prétieuse. La perle estoit donc la chose la plus chere qui fut au mode anciennement comme dit Pline en vn lieu. tant pour la rarité, que pour l'estimation qu'en faisoyent les princes, qui estoit estrage & presque incroyable. Quoy qu'il en soit, nous trouuons que la Royne Cleopatre en auoit deux du pois d'vne once, estimees cinq cens mil escuz. Elle en aualla vne par gageure après l'auoir liquefice:l'autre fut emportee par Auguste pour la plus belle depouille de sa victoire, qu'il fist tailler en deux, pour atacher aux aureilles de Venus. Nous en auons veu depuis huit ans vne 2 12

à la blancque, qui pesoit peu moins de demie once, enrichie de cinq groffes pierres preticuses: & neantmoins tout le benefice ne fut estimé que treize cens escuz, qui estoit beaucoup au jugemet des lapidaires : pour monstrer que l'abondance des perles à causé le mespris, & du mespris est venu le bon marché. Autant pouuons nous dire de la peinture, que les Princes du Leuant, & mesmement Alexandre le grand auoyent mis en si grand credit, que le tableau de Venus sortant des caus, que Apelles auoit peint, fut achepté soixante mil escuz: Alexandre luy donna du sien deux cens talens, qui valet fix yingts mil escuz. Les tableaux des autres peintres n'estoyent pas tant prisez, mais les moindres coustoyent bien cher. Apelles ne fit point de difficulté d'acheter yn tableau de Protogene cinquante mil escuz. Nous en auons de Michel l'Ange, Raphael Durbin, de Durer,& fans aler plus loing, vn de Monsieur de Clagny en la galerie deFontaine Beleau, qui est vn chef d'euure admirable, que plusieurs ont paragonné aux tableaux d'Appelles: il y en a plusicurs autres d'yn merucilleux artifice, mais il n'aprochent en rien qui soit au pris des anciens: parce que les princes en fot peu d'estime, & que tous les peuples du Leuat & de Barbarie insques en Perse, ont en extreme abominatio tous pourtraitz des choses que nature produit, craignant faillir.

faillir au commandement qui dict, Tailler ne te seras image: tellement que les peintres, mouleurs, sondeurs, imagers, enlumineurs, n'ont place ny credit en ce pays-là non plus que leurs ouurages. C'est donc en partie le plaisir des grands seigneurs qui fait les choses encherir.

L'autre cause de l'encherissement, est le degat qu'on fait des choses qu'on deuroit ménager.La soye deuroit estre à grand marché, veu qu'on en fait tant en ce Royaume, outre celle qui vieut d'Italie. La charté vient du degat:car on ne se contente pas d'en accoustrer les belistres & laquais, ains aussi on la decoupe de telle sorte, qu'elle ne peut durer ny seruir qu'à vn maistre: ce que les Turcs, comme i'ay entendu, nous reprochent à bon droit, nous appellans enragez & forcenez de gaster, comme en despit de Dieu, les biens qu'il nous donne. Ils en ont sans comparaison plus que nous, mais sus la vie qu'on osast en decoupper. Autant nous en prend il pour la draperie, & principalement pour les chausses, ou lon employe le triple de ce qu'il en faut, auec tant de balafres & dechiqueteures, que les pauures gens ne s'en peuuet seruir, apres que monsieur en est degousté: il y a bien plus, c'est qu'on en vse trois paires pour vne,& pour doner grace aux chausses, il faut vne aulne destofe plus qu'auparauant à faire vn

cazaquin. On a fait de beaux edits, mais ils ne seruct de rien: car puis qu'on porte à la cource qui est defendu, on en portera par cout, tellement que les sergens sont intimidez par lesyns, & corropus par les autres. Joint aussi qu'en matiere d'habits, on estimera à tousiours sot & lourdaut celuy qui ne s'accoustre à la mode qui court : laquelle mode nous est venue d'Espagne, tout ainsi que la vertugale que nous auos empruntee des Mauresques: auec tel aduatage, que les portes sont trop estroistes pour y passer, qui est bien loing de l'anciene modestie de de noz peres, qui portoyent les accoustremés, comme dit Cesar, vniz & pressez sus le corps, raportans la proportion & beauté des membres : les Alemans au contraire, les portoyent larges, ce qui apporte vn degast incroyable: du degast vient la disette de la disette vient en partie la charté d'accoustremes, outre la façon qui passe bien souuent le pris des estofes : pour les enrichir de broderies, pourfileures, passemens, frages, tortils, canetilles, recamures, chenettes, bors, pique ures, arrierepoints, & autres practiques qu'on inuente de iour à autre. Car après la desense des draps d'or & d'argent, il se trouua des dames qui portoyet des robes faites à Milan du pris de cinq cens escuz la façon sans or ny pierreries. Et de telles braucries on viétaux meubles de la moison, aux licts de draps d'or,

ou broderies exquises, aux bufets d'or, & d'argent, & à fin que tout s'entresuyue, il faut bastir ou se loger magnisiquemet, & que les meubles soyent sortables à la maison, & la maniere de viure conuenable aux vestemens: tellemen qu'il fant garnir la table de plusieurs mets : car le François, pour la nature de sa region, qui est plus froide que l'Espagne & l'Italie, ne peut viure de curedens, comme l'Italien. De là vient la superfluité excessive en toutes sortes de viandes, & la friandise inconnue à noz peres, qui a tellement vaincu ce Royaume, qu'il n'y a pas les valets de boutique, qui ne vueillent disner à la rable du More à vn escu, les maistres à deux esçuz pour teste, qui est l'vne des pestes de Paris la plus pernicieuse. Toutesfois ce ne sont pas encore les plus grands exces, veu qu'il se trouu3 en renuoyat les proces des financiers, que l'vn d'entre eux enuoyoit de Paris iusques en Flandres douze bores de chemises blanchir à vn teston pour piece: & iamais ne donnoit moins d'vn teston pour les espingles, aussi Dieu s'en vengea car le boureau apres l'auoir estranglé, luy depouilla insques à sa chemise. Ce fut l'vne

des raisons qui meut du Prat Chancelier, de se faire ennemy iuré de tels la soncaus, qui gastét la simplicité du peuple, & encherissent toutes choses de propos deliberé: & le pris que i'y

voy, c'est au despens du prince & du peuple. Ie

dy doncques que de tels degasts & superfluirez. vient en partie la charté de viures que nous voyos. Ie laisse à dire que c'est la source de tous vices & calamitez d' vne republicq. car il faut iouer, emprunter, vendre & se deborder en toutes voluptez: en fin payer ses creanciere en belles cessions, ou en fallites. Mais si les anciennes loix des Romains, Gregeois, Hebrieux, AEgyptiens auoyent aussi bien lieu en France comme aux Indes & en toutel'Ethiopie, c'est à scauoir qu'on adiugeast le debteur à faute de payement au creancier, pour le vendre ou s'en seruir, on ne verroit pas tant de voleurs, de cessionnaires, & de banqueroutiers, ny la charté que nous voyos causee des exces, ne seroit pas si grande de beaucoup.

Icy, me dira quelqu'vn: Si les choses alloyét en encherissat en partie pour le degast, en partie aussi pour l'abodance d'or & d'argent, personne ne pouroir viure pour la charté. Il est vray:mais les guerres & calamitez qui aduieuent aux republiques, arrestent bien le cours de la carriere: comme nous voyons les Romains auoir vescu fort escharcement, & si faut dire, en meruilleuse pauureté quasi cinq cens ans, lors qu'ils n'auoyent que groffe monnoye d'erain, du pois d'vne liure, & sans marque iusques au Roy Seruius, aussi ne forgerent ils monnoye d'argent que l'an quatre cens D 3 qua-

quatre vings & cinq, apres la fondation de Rome, comme on peut voir aux fastes, soixante & deux ans apres, on vsa de monnoye d'or. Voyons docle pris des choses de ce temps-là, nous trouverons que le mouton n'estoit estimé que dix asses d'erain, que le docte Budé prent pour trois solds & demy de son temps, & au plus fort quatre des nostres: le bœuf cent asses, qu'il estime vn escu couronne, & fut le pris estimé par la loy Ateria Trapeia: deux cens quatre vingts ans apres la fondation de Rome: auquel temps la solde du picto, dit Polybe, n'estoit que deux oboles, au centenier quatre, à l'homme de cheual vn dénier, qui valoit trois sols & demy, de la monoye forgee à quatre deniers douze grains. Nous lisons en Plutarque que le pris du mouton au teps de Solon n'estoit que d'vne drachme:qui estoit vne septiesme partie moins que à Rome deux cens ans apres.

Quand au pris des autres viures, on le peut iuger par la loy Fannia, qui retrenchea la despéce l'an cinq cens quatre vingts & douze apres la fondation, auec defense exptesse de despendre plus de cent asses, qui est vn escu couronne, aux banquets qui se faisoyent les iours des grands ieux: aux autres iours dix asses, à la charge qu'il n'y auroit point de volaille, excepté la poule de pailler: & sur c'est edict publié par toute l'Italie à la requeste de Didius Tribun du peuple. Soix-

ante & quatre ans apres Crassus le riche ceseur, voyant que les viures peu à peu encherissoyent, publia vne loy, par laquelle il estoit permis de despecer cent asses les jours de foire, des calendes, nones, & ides: & aux nopces deux ces affes, qui font deux escuz: trois liures de chair seche, vne liure de chair salee, des fruicts tant qu'on voudroit, aux autres iours, trente asses, qui font le teston. Vingt & sept ans ensuyuant, lors que la ville fut enrichie de la despouille de Grece & d'Asie, on ne pouuoit tenir la bride au peuple, ioint aussi que pour l'abondance d'or & d'argent tout estoit fort encheri, Sulla Dictateur voyant les anciennes ordonnances s'en aller en fumec, retrenchea la despence tant qu'il peut, & toutesfois permit qu'elle fust plus grande des deux tiers que Crassus n'auoit fait, iaçoit qu'il diminuast la taxe des viures. Trente & six ans apres, Cesar le plus sobre seigneur qui fut onques, voyant tout le peuple debordé en banquets excessifs, fit quelque edict, par lequel il defendit de passer vingt & cinq escuz aux nopces: & quand aux autres iours de festes & foires sept escus & demy, qui estoit dix fois plus que Sulla n'auoit permis. Et neatmoins on faifoit si peu de conte de ses edicts, qu'il sut contraint pour les executer, d'aller secrettement au marché. Aussi depuis ne se trouua personne qui en fit aucune ordonnance. Et mesmes Caligula voll-D 4

voulut monstrer exemple à ses subicets de toute prodigalité, dependant en moins d'yn an xx. & deux milions d'or q Tibere auoit espargnez.

Or voyons combien l'abondance d'or & d'argent, & le degast sit encherir les choses depuis Sulla insques à Caligula, qui ne sont pas centans. Nous trouverons que les poissons delicats, comme le mulet, le turbot, la dorade, le denté l'esturgeon, la murene, s'achetoyent au poix d'argent pur & sec, comme dit Galen. Il y'eut bien vn friant, qui ne merite pas d'estre nomé, qui paya deux cens escuz d'vn mulet de mer ne pesant que deux liures, qui estoit l'achepter au poix de l'or. Nous en peschons en nostre mer Oceane, & quelque sois en Loire, ou ils se degorgent, de trois ou quatre liures pour quinze ou vingt solds, par ce q les grands seigneurs & le peuple aime mieux la chair.

De ces exemples nous pouvons iuger la charté de toutes autres choses: car le pan des le temps de Varron coustoit cinquante deniers dargent, qui font cinq escuz, la couple de beaux pigeons estoit vendu vingt cinq escuz, depuis lequel temps le pris de toutes choses haus sa dix sois autant, comme nous auons mostré. Pline passe plus outre, car il dit qu'vn nommé Hirrius presta six mil murenes, qui n'ont rien semblable à noz lamproyes que la lougueur, au poix & au nombre, à la charge de luy en rendre

autant

autant, & n'en voulut vendre pour or ny pour argent, dequoy on faisoit peu de conte pour l'abondance qui estoit en Rome, car ce n'e estoit pas la disette des choses, veu que de toutes pars du monde on apportoit là comme au marché. Vray est que les excesaidoyent bien à encherir les viures: car il se trouuoit que les riches ne sçauoyent quelquefois cemment despenser leur bien, ce qui aduint à Aesope ioueur de tragedies, lequel pour entrer en appetit, se faifoit seruir vn plat estime quinze mil escuz, plein de rossignols chantans, estourneaux, mer les,& autres oiseaux qui auoyent apprins à parler, encores que tels oyseaux soyent faides & mal plaisans, toutesfois le coust leur donnoit bon goust: Et mesmes Athenæus racote de luy qu'estat arriué en Sclauonie pour y manger des escreuices qu'on estimoit fort en ce pays là: deuant que descendre du nauire on luy dit qu'il y en auoit sans coparaison de plus belles & meilleures en la coste d'Afrique: ce que ayant enten du il fit voile en Afrique pour en mager. Le fils craingnant faire deshonneur au pere, humoit des perles liquéfices d'vn pris inestimable. Etne faut point s'ebahir qu'vn ioueur de trage dies eust tant d'escuz : car les bouffons & ioueurs de farces estoyent en si grand credit, que Roscius auoit trente & six mil escuz de l'espargne chascun an, pour faire le badin vne douzai ne

ne de fois deuant le peuple, outre le prousit qu' il tiroit de ses ieux particuliers, qui valoit cent

fois plus.

Mais pour monstrer à l'œuil l'abodance d'or & d'argent, il n'y a point de meilleur exemple que d'Apicius maistre gueux, auquel apres auoir mangé trois milions d'escuz restoyét encores trois cens cinquante mil, toutes fois crai gnant mourir de faim, il s'empoilonna, comme tesmoignent plusieurs historiens. Ce qui me fait croire estre veritable ce qu' on dit de Ciceron, qu'il eut vnemaison estimee cinquate mil escuz pour playder vne cause: car puis que les plaisans auoyent si grand credit enuers le peuple, ce n'estoit pas de merueille si vn tel

aduocat estoit si bien payé.

Or est il que tout l'or & l'argent leur vint en six vingts ans, par la despoille de tout le mode, q'uapporterent en Rome les Scipions, Paul, Aemil, Marius, Sulla, Lucule, Pompee, Cefar, & mesmement ces deux derniers: car Pompee conquist tant de pays, qu'il fist monter le reuenu de l'Empire à huict milions cinq cens mil escuz, qui estoit le double & trois cingiesmes plus qu'au parauat. Cesar apporta quarante milions d'escuz à l'espargne outre les prodigalitez qu'il faisoit : car pour vne sois il donna à PaulConsul neufcens mil escuz pour ne soner mot : & à Curion Tribun quinze cens mil escuz

escuz pour estre de sa ligue. Marc Antoine passa bien plus outre s'il est vray ce que Plutarque & Appian en escriuent: car il donna à son armee pour les agreables services deux cens mil talens: cela reviét à six vingts milions d'escuz, ce qui est aucunement croyable, veu que l'Empereur Adria, qui estoit sage menager, pour avoir la bonne grace des legions, qui estoyent au nobre de quarante, donna dix milions d'escuz.

Il ne faut doc pas s'ebahir, si les choses estoyent cheres, veu l'abondance d'or & d'argét qui estoit en Rome. Mais ces exces & braucries ne durerét pas tousiours: car en mois de trois cens ans, les Parthes, les Gots, Hercules, Hongres, & autres cruelles nations fouragerent tout l'Empire, & mesmes l'Italie, foulerent aux pieds les Romains, brusserent leur ville, butinerent leur despouilles. Ainsi aduient il à toutes republiques, de n'aistre & croistre peu à peu, & puis slorir en richesses & puissance, en apres s'éuicillir & aller en decadence, insques a ce qu'elles soyent du tout ruinees, comme i'ay monstré au dis cours sus l'estat des republiques en la Methode des histoires.

Nous auons discouru les raisons de l'encherissement des choses: Reste à monstrer, que Ma lestroit s'est aussi mespris au titre des monnoy es forgees en ce Royaume depuis trois cens ans. Car il dit que sainct Louys sist forger les premiers solds valas douze deniers: & qu'il n'y en auoit que soixante & quatre au marc. Il dit aussi, que du temps de Philippe de Valois, l'escu d'or aux sleurs de liz sans nombre, de meilleur poix & aloy que le nostre, ne valoit que vingt solds. Puis apres que le Roy Iean sit sorger les francs à pied & à cheual d'or sin, qui ne valoyent que vingt solds. D'auatage que le sold d'argent de ce temps là en valoit sinq des nostres. Il ne dit point de quel titre, de quel poix

& aloy estoyent les monnoyes.

Quant à ce dernier point il se contredit luy mesmes: caril est d'accord que l'escu vieil, qui pese trois deniers trebuchans, ne vaut que soixante solds des nostres forgez par l'ordonnance du Roy François 1. tellemet que le sold ancien de fin argent n'en vaudroit que trois: & toutesfois les francs à pied & à cheual pesent moins que les escuz vieux de quatre grains, & ne sont pas de meilleur aloy: veu qu'aux vns & aux autres il y a vn quart de carat de remede: aussi par l'ordonnance de l'ancing cens soixante & vn, le vieil escu est à soixate solds, & le frac à pied ou à cheual à cinquante cinq solds. Par ainsi il se mesprend quasi de la moitié, quant à la proportió des solds anciens & des nostres: car s'il estoit ainsi comme il dit, que le sold ancien de fin arget valut cinq fols autant comme les nostres, l'escu vieil vaudroit cent solds, le franc

franc à pied ou à cheual quatre liures dix folds.

En second lieu monsieur de Malestroit se mesprend, laissant entre sainet Louys & Philip pe de Valois cent xx111, ans, pendaut lequel temps Philippe le Bel, arriere fils de sainct Lou ys, l'an mil trois cens, affoiblit tellement la mo noye d'argent, qu'vn sold de l'ancienne monnove en valoit trois de nouueaux, come nous trounons en noz registres, &mesmes en noz Annales, & en l'histoire d'Antonin, de laquelle m'a aduerti monsseur de Liure, homme accom ply en bon sçauoir. Et combien que pour appaiser la mutinerie du peuple la monnoye sut reduite à l'ancienne valeur, si est ce que dix ans apres elle fut si fortassoiblie, que le sol n'auoit que troisdeniers & demy d'argent : tèllement que les deux quars & demy estoyent de cuyure: qui est la plus foible monnoye qu'on aye veu de nostre temps: car l'an cinq cens cinquante & vn, les sols forgez par l'ordonnace du Roy Hen ry II-tiennent trois deniers & demy d'argent.Il faut donc conclure, puis que le sold estoit de mesine titre, de mesme pied, de mesme aloy, & qu'il y auoit autant d'aliage il y a trois cens ans, comme à present, que la demonstratio de Malestroit, & ses exemples ne peuuent auoir lieu: car iaçoit que Charles le Bel restitua l'ancien titre des solds à douze deniers, le Roy l'an mil trois cens vingt & deux toutesfois fix mois apres il l'affoiblit de toute la moitié.

Nous trouuons bien d'auantage par noz registres, que l'an mil quatre cens vingt & deux, le titre des sols estoit si soible, que le marc d'argent valoit quatre vingts liures tournois, qui sont seize cens pieces pour marc d'euure: tellement qu'vn des sols du Roy Henry II.vaut à ce conte cinq solds de ceux-là, qui est bien tout le contraire de ce que monsseur de Malestroit a mis en auant, qu'vn sol ancie en valoit cinq des nostres: veu qu'il y a cent cinquante ans, que cinq sols n'en valoyent qu'vn des nostres. Il faut donc qu'il rapporte ce mot ancien a certaines annees seulement, & non pas à toutes, com

me il fait depuis trois cens ans.

Bref, qui voudra fueilleter au liure noir, qui est en la chambre du procureur du Roy au chaftelet de Paris, il trouuera q l'an mil quatre ces & vingt, lors que les Anglois tenoyent Paris l'escu sut mis à soixante solds, le mouto à quarante, les nobles à sept liures, qui est le pris & valeur du temps du regne du Roy Henry II. Vray est que Charle septiesme, l'an quatre cens vingt & deux au mois de Nouembre, sit forger nouuelle monnoye à douze deniers: tellemét que le marc d'argent de quatre vingts liures, sur remis à huit liures quinze solds tournois, mais l'an mil quatre cens cinquante & trois, on forgea des solds à cinq deniers de loy, qui est rabatu

63

batu de la forte monnoye beaucoup plus de la moitié.

C'est donc vn paralogisme en matiere d'argumens, de prendre vne annee que la monoye a esté la plus forte pour estimer les choses, & laisser les annees qu'elle a esté la plus foible, qui sont plus frequentes sans comparaison que les bonnes annees: comme en cas pareil qui voudroit tirer en consequence des autres choses, le bon marché d'alumettes qui est en Paris.

l'ay monstré cy deuant que le pris des choses taxé par les coustumes de ce Royaume, accordees & homologuees depuis cinquante, les autres depuis soixante ans, estoit dix fois moin dre qu'il n'est à present, & toutes sois il est certain que les estats & les deputez pour accorder les coustumes, n'ont pas suyui le moindre, ny le plus haut pris: mais la plus commune estimation qui estoit lors, comme noz loix nous enseignent, & neantmoins le chappon n'est qu'à douze deniers tournois par toutes les coustumes d'Anjou, Poitou, la Marche, Champagne, Bourbonnois, & autres: la poule à six den. la perdris à quinze den. le mouton gras auec la laine sept soldz, le cochon dix den. le mouton comun, & le veau à cinq folds, le cheureau trois folds, la charge de froument à xxx. f. la charetee de foin pezant quinze quintaux, dix s.qui sont dix boteaux pour yn sol, le boteau pesant quin64 ze liures; c'est la coustume d'Auuergne. En Bourbonnois les douze quintaux est oyent estimez dil sols, le tonneau de vin trête s. le tonneau de miel xxxv. f. arpent de bois reuenant deux s. six den arpent de vigne xxx. s. de rente. liure de beure quatre den d'huile de noix autat: de suif autant. C'estoit du temps de Louys douziesme, comme i'ay dit cy dessus : que les folds estoyet à quatre deniers xij. grains de loy. Par ainsi le sold du teps de Loys douziesme ne fçauroit au plus haut valoir qu'yn liard d'auanta ge que celuy du regne de Henry II.& les quatre sols ne vaudroyent pas cinq des nostres, dont il s'ensut bien que le veau & le mouton auec la laine, ne deuroit estre estimé que six s. & trois den de nostre billon pour le plus, puis qu'il y a soixante ans que par toute la France il ne estoit prisé que cinq sols. Autant peut on dire des autres choses. Or nous voyos que par estimation commune, l'vn & l'autre vaut quatre liures, ou cent fols, voire six liures en Paris, qui est vingt ou trente fois plus cher qu'il ne coustoit lors. Si donc les fruicts de la terre, le bestail, la volaile, coustoyét dix ou douze ou vingt fois moins qu'ils ne font, le reuenu des terres & seigneurics estoit d'autant moins estimé, & les baux à ferme à meilleur conte: & pat mesme raison les terres x. fois moins prisees, car la meilleure terre roturiere n'est estimee qu'au denier xx.ou

xxv. le fief au denier xxx. la maison de bonne estoffe au denier quarante ou cinquante, tellement que la terre qui valoit mil escuz de ferme il y a soixante ans, n'estoit vendue que xxv.ou au plus cher xxx.mil escuz. Si donc la ferme à creu à cinq ou six mil escuz, la terre se vendra cent cinquante mil escuz, qui lors ne valoit que trente mil. Quant aux coruces & journees de maneuures, nous voyons de toute ancienneté, qu'elles estoyent quasitaxees à vn denier d'argent, qui valoit peu plus que le real d'Espagne: & la solde ancienne de l'homme de cheual, n'estoit qu'vn denier, comme dit Polybe: en sin l'homme de pied eut vn denier par iour, ce qui fur gardé mesmes du temps d'Auguste, come escrit Tacite. Vray est que les dons faits aux armees pour les agreables services, valovent vingt fois autant que la solde. De la est venu, come ie croy, nostre mot Gagne denier qui se prent seulemet pour ceux qui louënt leur iournee: & mesmes en l'Euangile, le maistre dit à quelques vignerons enuieux de sa liberalité enucrs les autres. N'auez vous pas le denier que ie vous ay promis pour la iournee? qui estoit la drachme en Grece pour la journee du vigneron & du soldat. Toutesfois par noz cou stumes arrestees, comme i'ay dit, & corrigees depuis soixante ans ou enuiron, la iournee de l'homme en Esté, n'est prisee que six deniers en Hyuer

Hyuer quatre den. & auec sa charette à bœuf douze den. La monnoye noire n'est point diminuce ny haussee de pied depuis, ny au parauant soixante ans: & toutesfois on voit que pour six deniers le vigneron, le braffier, le maneuure, le soldat, ne se contente pas de cinq folds: mesmes ence pays ils en veulent huict ou dix, remonstrans qu'ils ne peunent autrement viure. Quant à la coruce des bœufs, elle est estimee vingt s. au meilleur marché, c'est done vingt fois autant qu'elle estoit prisee il y a soixante ans, en quelque monnoye qu'on le prenne, qui est cause que les iuges, qui ont bien puissance de plier, non pas de rompre les cou-stumes, quand il est question d'assietes, rentes, estimation de fruits ou d'autres choses semblables, ne se seruent plus des coustumes: ains se rapportet à l'ordonance touchant l'estimation des fruits, ioint la commune valeur: ou bien ils ordonnent que les parties conuiendront de prizeurs pour estimer les choses.

Nous auons parlé de la monnoye blanche, disons aussi de la monnoye d'or, a sin qu'on puisse iuger à veue d'œil que ce n'est pas pour auoir alteré les monnoyes que tout est encheri. Ie trouue que la plus sine monoye d'or forgce depuis trois cens ans en quelque pays que ce soit, n'est point plus forte de vingt & trois auec trois quars de carat: comme sont les no-

bles, les vieux ducats de Venise, Florence, Sienne, Portugal, le Seraph de Turquie, les Medins de Barbarie, les medailles anciennes des Romains, les doubles ducats vieux de Castille, les moutons à la grand laine, les escuz vieux, les faluts, les francs à pied & à cheual, les vieux angelots: les escuz couronne nesont pas si forts de beaucoup: les Milrais valent mieux & les escuz soleil: puis apres les Henrics & doubles Henrics, les reales d'or, pistolets, & doubles ducats de Portugal sont plus foibles, quat aux autres monnoyes, ou il y a moins de xx11. carats, c'est à dire, s'il y a plus de la douziesme partie d'aliage, soit cuyure ou argent, & moins des dix pars d'or, ce n'est pas or, sinon en ouurage, tout ainsi que l'argent qui est plus bas que de dix deniers, ou pour mieux dire, qui a plo d'yne siziesme d'aliage, de cuyure: & moins des cinq pars d'argent, ce n'est point argent en matiere de monoye, mais billon: & pour ceste cause les anciens appelloyent Electre, l'or où la cinquesime partie est d'argent. Posons donc le cas que l'escuvieil, & le franc à pied & à cheual, qui sont les monnoyes desquelles se sert monfieur de Malestroit, soyet à xxIIII. carats, auec vn carat de remede : les escuz au soleil à xxIII. & vn huictiesme de remede, suyuat l'ordonnnace de l'an cinq cens quarate: ou à xx111. carats & yn quart de carat de remede, comme E 2 font

font les escuz forgez par l'ordonnance du Roy Henry 11. il n'y aura qu'vn carat de difference aux vieux, & quant au poix, les escuz sol de l'an einq cens quarante, pezent deux deniers seize grains trebuschans, à soixante & douze au marc, autant que Iustinian l'Empereur en met à la liure, ce qui a donné occasion à mestre Charles Moulin, l'honneur des Iurisconsultes, d'egaler l'escu de Iustinian & le nostre à mesme pied. Mais il y a autat à dire que de deux à trois: car tout ainsi que le marc a huit onces, & la liure de Iustinian a douze: aussi l'escu d'or forgé par son ordonnance, qu'il nomme Solidus, est d'yn tiers plus pezant que le nostre, quasi comme l'angelot. Depuis par ordonnance du Roy Henry deuzieme, on en a forgé à deux deniers quinze, & puis quatorze grains trebuschas. Or est il que le franc d'or peze moins de quatre grains que l'escu vieux, & plus que l'escu sol forgé l'an mil cinq cens quarante, de quatre grains. Si donc nous rapportos le pied de l'vn à l'autre, nous trouueros que l'escu vieil ne vaut qu'vne huictiesme plus que l'escu sol: & le frác d'or pres d'vne neufiesme plus que le mesme escu sol: car il y a huit escuz vieux en l'oce, neuf au soleil, dix couronne & vn denier xx. grains d'aduantage: de francs d'or il y en a moins de neuf, & plus de huit, aussi l'escu vieil par l'ordonnance du Roy Henry second est à soixante, le franc à cinquante cinq, l'escu sol à cinquate deux, l'escu couronne à cinquante solds.

Il faut doc coclure, que si la maison qui s'est vedue deux cens vieux escuz il y a six vings ans, auiourd'huy se vend huit cens escuz sol, qui valent deux mil liures tournois de nostre billon, ostant vn huitiesme que l'escu vieil vaut plus que l'escu sol, restent six cens soixante & treize escuz sol, qui valoyent au temps du Roy Henry second, mil sept cens cinquante liures, ou trenté & cinq mil sold de nostre monnoye, & si nous posons le cas que fussent francs d'or, il n'en faudroit tirer qu'vne neufiesme, resteroyent sept cens quatre vings escuz fol, que se ved la maison, qui est trois fois plus qu'elle ne coustoit de ce temps-là, ce que i'ay bien voulu coter par le menu d'autant que monfieur de Malestroit n'a point dit quelle proportio il y auoit entre les escuz pour les accomoder à noz contracts. - le le efficie de le escare.

Voila quant à l'encherissement en general, sans toucher aux changemens particuliers, qui font encherir les choses de leur pris ordinaire: comme les viures en temps de samine: les armes en temps de guerre: le bois en hyuer, l'eau aux deserts de L'ybie, ou il se trouue yn tombeau en la plaine d'Azoa, qui porte tesmoignage en lettres grauees, qu'yn marchand achepta d'yn voiturier yne coupe d'eau dix mil ducats,

E 3

& neantmoins l'achepteur & le vendeur moururent de soifscomme escript Leon d'Afrique: oubien les ouurages de main, & la quinquaillerie aux lieux ou il ne s'en fait point, qui sont ordinairement à meilleur marché aux villes pleines d'artizans, comme à Limoges, Milan, Nurembereg, Genes, Paris, Rouan, Damafque, Venise: ou bien pour l'abondance du peuple & d'argent qui est en un lieu plus qu'en autre: comme à Stambol, Rome, Paris, Lyon, Venise, Florence, Anuers, Seuile, Londres, ou la cour des Roys, ou grands seigneurs, ou marchands, attirele peuple & l'argent, les viures y font plus cher: comme il aduenoit ordinairement en Rome, où labondance d'or & d'argent - & de peuples qui y accouroyent de tous costez du monde; la famine estoit souvent; de sorte que Auguste sur cotraint de chasser de la ville, les haraz desclaues & gladiateurs, & tous les estrangers, excepté les maistres de la icunesse,& les medecins, outre vingt & huich colonies, qu'il tira de Rome pour les departir en toute l'Italie, quelque fois aussi le changement vient pour vn edit nouucau, comme il aduint à Rome, ou les maisons furent soudain encheries de moitié, par l'edict de Traian, qui ordonna que tous ceux qui voudroyent auoir estats & offices honorbles, employaffent la tierce partie de leurs biens en achept d'heritages en Rome,

ou és enuirons. Toutes ces choses particulieres ne sont pas considerables au cas qui s'offre, qui

est general.

Or puis que nous sçaus que les choses sont encheries, & les causes de l'encherissement, qui sont les deux points principaux que nous auions à prouuer à Malestroit: reste maintenant d'y remedier au moins mal qu'il sera possible: ce que Malestroit n'à touché aucunement, tenant pour tout certain que rien n'encherist.

Premierement l'abondace d'or & d'argent, qui est la richesse d'vn pays, doit en partie excuser la charté: car s'il y en auoit telle disette que le temps passé, il est bien certain que toutes choses seroyent d'autant moins prises & acheptees que l'or & l'arget seroit plus estimé.

Quantaux monopoles & degats qui se sot, i'en ay touché cy dessus ce qu'il m'en sembloit. Mais pour neant on fait de belles ordonnances touchant les monopoles, les exces des viure & vestemens, si on ne les veut executeritoutes-fois elles ne seront iamais executees, si le Roy par sa bonté ne les fait garder aux courtizans: car le surplus du peuple se gouverne à l'exemple du courtizan en matiere de pompes & d'execes: & ne sut iamais republique en laquelle la santé ou la maladie ne decoulast du chef à tous les membres.

Quant à la traitté des marchandises qui sor-E 4 tent tent de ce Royaume, il y a plusieurs grands perfonnages qui s'efforcent, & se sont efforcez par dits & par escripts de la retrencher du tout, s'il leurestoit possible: croyans que nous pouuons viure heureusement & à grad marché sans rien bailler, ny receuoir de l'estranger, mais ils s'abu fent à monaduis: car nous auons affaire des estrangers, & ne sçaurions nous en passer. Ie con felle que nous leur enuoyos blé, vin: fel, saffran, pastel, pruneaux, papier, draps & grosses toiles, aussi auons nous d'eux en contrechange, premi erement tous les metaux, horsmis le fer: nous auós d'eux, or, argent, estain, cuyure, plomb, acier, vif arget, alun, souphre, vitriol, couperoze, cynabre, huiles, cire, miel, poix, bresil, ébene, sustel, gaiac, yuoire, maroquins, toiles fines, couleurs de conchenil, escarlate, cramois, drogues de toutes sortes, epiceries, sucres, cheuaux, saleures de saumons, sardines, maquercaux, molues, bres vne infinité de bons liures & excellens ouurages de main.

Et quand bien nous pourrions passer de telles marchandises, ce qui n'est possible du tout: mais quand ainsi seroit que nous en aurions à reuendre, encores deurions nous tousiours tra siquer, vendre, achepter, eschanger, prester, voire plustost donner vne partie de noz biens aux estrangers, & mesines à noz voisins, quad ce ne setoit que pour communiquer & entretenir vne bonne amitié entre cux & nous.

Ie di plus, quand nous serios accompliz des dons de Dieu, de tout ce qui peur estre donné aux hommes, en armes & en loix, sans crainte ny esperance d'autruy, si est ce que uous leur deuons ceste charité, par obligation naturelle, de leur communiquer les graces que Dieu nous auroit faites, les apprendre & façonner en tout honneur & vertu. En quoy les Romains se rendirent indignes de commander, lors que la grandeur de leur puissance touchoit iusques au Ciel, & qu'ils auoyent estendu leur Empire depuis le Soleil couchans iusques au Soleil leuant, il se trouua quelques peuples qui leur enuoyerent embassades pour se renger souz leur puissance, & leur obeir volontairement. Les Romains voyans qu'ils n'y auoit rien à gai gner, refuserent telles offres, comme escrit Ap pian, qui est vn tour le plus lasche, & vne iniure faites à Dieu la plus vilaine qui fut onques: come si la maiesté de commander & faire justice. & mesmes aux pauures peuples malapprins, n'estoit pas le plus grad don de Dieu, & le plus grand honneur que peut receuoir l'homme en ce monde, c'estoit bien loin de leur communiquer leurs biens & richesses, comme ils deuoyent faire.

Mais, dira quelqu' vn, Platon & Lycurgue ont dessendu la trassque auec l'estranger craignant gnant que leurs subiects sussent gastez & corrompuz. Il est vray: mais l'vn a songé ce qu'il ne peut iamais executer, quoy qu'il essayast: l'autre a executé ce que iamais homme n'osa esperer, & toutessois l'vn & l'autre eust mieux fait, si ie ne suis fort tropé, de permettre la trassque com me sagement a fait Moyse, qui a bien monstré qu'il estoit plus grand maistre que ces deux-là: car la lumiere de vertu est si claire, que non seu lement elle chasse les tenebres des vicieux, ains aussi luist d'autant plus qu'elle est comuniquee. Toutessois nous ne pouuons pas nous preualoir tellement en noz vertuz, que l'estranger ne ait de quoy nous rendre la pareille.

Encores, dit on, il ne faut pas donner noz biens pour neant aux estrangers, & mesmes a noz ennemis, aussi nous y donnons bon ordre: & toutes fois quand nous le ferions en ayant à sus sistemes, nous gaignerions plus leur amitié qu'à leur faire la guerre: puis que Dieu, auquel nous auons iuré & faisons la guerre sans tresues, nous monstre exemple auec vne prodigalité desine-surce. Mais par ce que cecy ne peut entrer au cerucau de ceux qui ne sont estat que du gaing, quoy qu'il soit sordide & deshoneste, Dieu par sa prudence admirable y a donné bon ordre: car il a tellement departy ses graces, qu'il n'y a pays au monde si platureux, qui n'aye faute de beaucoup de choses. Ce que Dieu semble auoir fait.

pour

75

pour entretenir tous les subiects de sa republique en amitié, ou pour le moins empescher qu'ils ne se facent long temps la guerre, ayans toussours a faire les vns des autres.

Ie serois bien d'aduis, si mes aduis auoyent lieu, qu'il fust defédu de trassquer auec l'Italien pour des atours, des parfums, du plomb, du parchemin, des fausses pierres, des poizons: & mes me clore le passage à tous les banqueroutiers & & banis de leurs pays: si ce n'estoit qu'il fussent bannis pour estre trop vertueux, comme on fai soit en Athenes & en Ephese: & qu'à cesté sin l'estrager fist apparoir d'attestatio du Prince on de la seigneurie: ou de quelques gens de bié & d'honneur. Cela donneroit exemple aux autres peuples de faire le pareil, & feroit trébler les meschans qui n'auroyent seur acces en lieu du monde. Mais, à ce que ie voy, les Turcs nous font la leçon: car il se trouve que Mehemet noméle grand, Empereur des Turcs, en a monstré bel exemple en la personne d'vn meurtrier Florentin, lequel apres auoir assassiné Iulian de Medicis en pleine eglise, s'estoit retiré à Stainbol, siege de l'Empire. Ce grand seigneur le ren uoya pieds & poings liez à Florece pour en faire iustice. Mais tandis que nous ouurirons la fe nestre aux banis, le mauuais air & la peste y entrera tousiours, & n'aurons iamais faute de daciers, qui hument le fang, rongent les os & sucent la mouelle du Prince & du peuple : voire qui font louange & vertu par liures imprimez des vices les plus execrables du monde, que iamais noz peres n'ont pensé: & toutes fois il n'y a que telles gens bien venuz & cheriz par tout.

Quant aux autres estragers, ie desire que non seulemet on les traite en douceur & amité, ains aussi qu'on venge l'iniure à eux faite a toute rigueur, comme la loy de Dieu commande: voire mesme qu'on leur quite le droit d'aubeine, à la charge que l'heritier soit habitant du pays: aussi bien voyons nous qu'il n'enreuient que le deshonneur à la France, & le proufit aux fanfues de la cour:ioint que cela empesche le cours de la trafique, qui doit estre franche & libre, pour la richesse & grandeur d'vn Royaume.

Il ne refte qu'yn argument auquel il faut refpodre en yn mot. Quand la traitte a lieu, disent ils, toutes choses encherissent au pays. Ie leur nie ce point-là, car ce qui entre en lieu de ce qui sort, cause le bon marché de ce qui defailloit. D'auantage, il seble à les ouyr, que le marchad donne son bien pour neant: ou que les richesses. des Indes & de l'Arabie heureuse croissent en noz landes. Ie n'excepteray que le blé, duquel la traitte se doit gouverner plus sagemet qu'o ne fait, car nous voyons des chartez & famines intolerables à faute d'y pouruoir: tellement que la France; qui doitestre le grenier de tout le Ponant, reçoit les nauires pleines de meschant blé noir, qu'on ameine le plus souuent de la coste Baltique, qui est vne grande honte à nous. Le moyen d'y doner ordre, c'est d'auoir en chacune ville vn grenier public, comme on auoit anciennement és villes bien reglees, & en ce Royaume, deuant que les querelles de la maison d'Orleans & de Bourgongne, & que rous les ans on renouuellast levieil blé. En quoy faifant, on ne verroit iamais la charté si grande qu'on voit: car outre ce qu'on auroit prouision

pour y asseoir le pris à leur plaisir.
Voila vn moyen par lequel Iosephe grad maisstre d'Egypte, sauua sept annees de famine quassi en tout le monde. & Traian par mesme moyen sauua l'Egypte de famine vne annee, combien que l'Egypte soit la mere nourrice du

pour les mauuaises annees, on retrencheroit aussi les monopoles des marchands qui serrent tout le blé, & souuent l'acheptent en gerbe,

Leuant.

Quand à l'aduis de quelques vns, qui veulét qu'on arrache les vignes pour mettre tout en blé, ou pour le moins qu'il soit desendu de plater vignes pour l'aduenir: Ie trouue bien que Domitia l'Empereur en sist vn edit, par lequel il sit desence de plus planter vignes & commeda qu'en tous les gouvernemens de l'Empire hors d'Italie en arrachapt la moitié des vignes

mais il ne fut onques executé: aussi Marc Varron tient que c'est le plus precieux heritage de tous, & les paysans s'en moquent à bon droit de telles ordonnances. Et Dieu par sa grace a bien donné ordre que tout ne fut pas en vigne ny en blé: car la meilleure terre pour la vigne, ne vaut rien pour le blé, d'autant que l'vn ayme la pleine forte & grasse, l'autre demade les coustaux pierreux. D'auatage, la vigne ne peut croi stre outre le quaranteneusiesme degré pour la froidure, tellemet que tous les peuples de Septentrion n'ont quasi autres vins que de France & du Rhim: & toutesfois ils en sont si frians, qu'ils creuent à force d'en boire. Par ainsi arrachar les vignes, on arracheroit l'yne des plus grandes richesses de France.

Mais il y a bien vn moyen lequel mis en auat par les maistres docteurs en matiere d'impost, soulageroit merueilleussemét le peuple, & enrichiroit le Royaume, c'est qu'on mit vne partie des charges ordinaires sus la traitte foraine du blé, vin, sel, pastel, toiles & draps: & principalement suz le vin, sel & blé, qui sont trois elemens desquels depend, apres Dieu, la vie de l'estranger, & qui iamais ne peuuent faillir. Les minieres de Septentrió & des Indes s'epuisent en peu de temps, & l'or vne sois epuisé ne peut renaistre qu'en mil ans, comme disent les souffleurs: mais noz sources viues de blé, vin & sel,

sont inequisables. Si donc ques vne partie des charges ordinaires estoit mise sus la traitte foraine, nous en aurions beaucoup meilleur conte dedans le Royaume:car l'estranger en prendroit plus echarsemet, & l'achepteroit au poix d'argent, ce qui enrichiroit ce Royaume, veu qu'il ne s'en peut passer, & quelques defensent qu'on aye fait en Flandres de ne prendre du sel de France, si est-ce que les Estats du pays ont tousiours remonstré que leurs saleures se gafroyent au sel d'Espagne, & du Franche conté. Et quand il aduiet que les marez salans& brouages de France ont faute de sel pour les pluyes ou froidures, l'estranger ne laisse pas de l'achepter au triple pour en auoir, quoy qu'il cou fte. Or est il que le sel est à meilleur marché en Angleterre, en Escosse en Flandres, qu'il n'est en France, hormis en la Guyenne: qui est vne lourde incongruité en matiere d'estat & de menagerie. Autant en aduient il pour les vins & pastels, sus lesquels les Princes estrangers mettent l'impost le plus excessif qu'il est posfible, qui tourneroit au proufit du Roy & du Royaume, si on mettoit vne partie des charges ordinaires sur la traitte foraine. Si on dit que les estrangers auroyent iuste occasion de s'en plaindre, obstant les traictez de commerce, il y a bonne response, c'est que nonobstant les traistez, ils ne cessent d'imposer sur leurs mar-

chan-

Ie mettray encores ce point icy pour obuier à la chartée des viures, qui pourra sembler fort nou-

nouueau à plusieurs: mais ie m'asseure que Malestroit, qui est amoureux de paradoxes, ne le trouuera pas estrange. C'est, q l'ysage du poisson fut remis en tel credit qu'il a esté anciennement: car il est tout certain que le pauure peuple auroit bié meilleur côte du bœuf, du porc, du mouton, & des saleures, & les volailles seroyent à pris plus raisonnables. Or il nous seroit fort aylé, car la France est posee entre la mer Oceane & Mediterranee, qui est vn aduantage que peuple sus la terre, hors mis l'Espagnol, ne peut auoir. Mais outre l'Espagne, qui a fort peu d'eaues, & qui tarissent bien sou uent, nous auons cent milions de fontaines, de ruisseaux, de riuieres, de lacs, d'estangs, de viuiers pleins de poisson: & toutes fois on n'en mange qu'a regret: & lors que l'vsage de chair est defendu: tellemet qu'il y en a plusieurs qui aimeroyent mieux manger du lard iaume le iour de Pasques, que d'vn esturgeon, qui est cause que le poisson demeure, & la chair encheristicar les chassemarees n'emploieront pas leur peine & argent, voyant qu'on ne fait conte du poisson, qui s'entremange par faute de le manger, & croy qu'il nous chasseroit des villes s'il pouuoit viure en terre: comme il aduint aux habitans des isles de Maiorque & Minorque, qui furent tellement assiegez par les connins, qu'ils desdaignoyent, que force leur fut, comcomme escrit Strabon, d'enuoyer ambassades vers Auguste pour auoir secours d'yne legion contre tels ennemis qui four agoyent tout le plat pays, & ruinoyent les villes de sond en combleme

Toutesfois il y a de petits medecins, que le gentil Aristophane appelles Scatophages, qui font boire leur. faute au pauure poisson, & le decrient estroittement : ou bien pour mettre leur mestier en credit, se voyant peu prisez, tyrannizent les appetits des hommes. Ie n'ented rien en leur science, & ne puis pas iuger si le poisson est si mal sain qu'ils disent: toutes sois ie m'en rapporte au bon Siluius qui les blasmoit fort aigrement, leuant les defenses qu'ils. font de manger poisson, après auoir monstré leurs abus à veue d'œil. Vray est qu'il defendoit la varieté des mets, & les poissons salez, & vouloit qu'on assaisonnast le poisson sans eau s'il estoit possible. Galen dit bien d'auantage en deux lieux de ses euures, qu'il n'y a nourriture au monde meilleure n'y plus aisee que des pois sons de roche, qui sont infiniz, & en fait beaucoup plus d'estime que des pans, ny des faisans. Ce qui a grande apparence, outre l'experience qu'vn chacun en peut faire: veu que le poisson est si sain de son naturel, qu'il n'est subicet à maladie quelconque. Il n'est iamais ladre, comme le porc & le lieure: ny teigneux, comme le

mou-

mouton: ny punais, comme le bouc: aussi n'est il point subject aux hydropisies & clauclees, comme les brebis: ny aux apostemes, comme les bœufs: ny au mal caduc, comme les cailles & cocs d'Inde:ny aux inflammations & pepies comme les poulles & chappons: ny aux poux, comme les pigeons. Aussi voit on qu'en la loy de Dieu les pourceaux & lieures, qui sont presques tous ladres au pays de Midy, & tous oy feaux de proye, & les bestes au pied rond, ou bien au pied fourchu qui ne remâchent point, sont defendues comme infettes ou mal saines: mais tout le poisson est permis, hors-mis le poisson mol & visqueux. Et n'est pas vray semblable que Dieu eust cree quatre cens sortes de poisson, qui ne couste rien à nourrir, & quasi tout propre à l'vsage humain, s'il estoit mal sain: veu mesmes qu'il n'y a pas quarante sortes de bestes terrestres & de volaille qui puissent seruir de nourriture. Ie confesse bien qu'il n'y a rien pire pour l'estomach que mager chair & pois son ensemble, pour la varieté, mais on peut

Dien en vser separement.

Quoy qu'il en soit, Apicius le grand maistre queux, friant s'ily en eut onques en tout le mo de, & Athenee au banquet des sages, nous tesmoignent, que les Gregeois & Latins ne saisoyent estat, en matiere de friadise, que de poisson, que nous mangeons par penitence: telle-

e 2 ment

84

ment que les grands seigneurs s'appelloyét par honneur Daurade, Murene, Brochet, & ne faisoyent friands banquets que de poisson, tesmoing celuy de l'Empereur Caligula, qui dura six mois: & pour le faire on pescha toute la mer Mediterranec. Quels fois pour la varieté on y mesloit le Pan, le Faisan, la Griue, le Becsigue, le Leurauld, ou le grad porc sanglier farcy de tou tes sortes de volailles: toutes sois les poissons emportoyent tousiours l'hôneur, & se vendoyent quel que sois au poix d'argent, comme i'ay dit cy dessus, voire se portoyent en grand triophe sus la table. Et Caton mesmes de son téps se plaignoit dessa qu'vn poisso estoit plus cher vendu qu'vn bœus, comme dit Plutarque.

Or est il que le poisso de nostre mer Oceane est sans coparaison plus grand, plus graz, & de meilleur goust que celuy de la mer Mediterranee, dequoy Rondelet nous a bien aduerty en son liure des poissons: & ceux là en peuuent bien iuger, qui a mesme table ont gousté du poisson de l'vne & de l'autre mer, comme on fait à Toulouze, où la maree vient des deux mers, à sçauoir d'Agde & de Bayonne, & qui plus est, il n'y a coste de mer qui n'aye varieté de poisson. La coste de Picardie, où la mer est sablonneuse, porte le poisson plat: la coste de Normandie & de Guyenne, qui est pierreuse, porte le poisson de roche, la coste de Bretaigne, qui est limoneuse.

fe,porte les poissons rods comme Lamproyes, Cogres, Merluz. Et quasi chacune saison ameine ses poissons, tâtost les harens frais, tantost les maquereaux, tâtost les lamproyes, & autres séblables tellement que les hômes ne sçeurét iamais d'où viennent tout à coup ces peuples de harens à miliers vers la coste de France & d'Angleterre: de Sardines en Galice, de Thoms au destroit de Stambol, d'Anchois à la coste de Prouence, de Baleines aux Orcades, d'alozes en Barbarie, de Molues aux terres neusues, de Murenes en la mer de Sicile: & toutes sois il faut cosesser que ce grand prouiseur du mode ne les a crees q pour noz necessitez. Ie laisse à parler du poisson d'eau douce qui se trouue par tout.

Si donques le poisson auoit le credit qu'il a eu le téps passé, il y auroit vne infinité de Chassemarces, & peupleroit on les estangs & viuiers plus soigneusement qu'on ne fait on mageroit la marce depuis Septembre iusques en Mars, lors qu'elle est la meilleure, sans attendre la caresme, que le poisson commence à frayer & per dre son meilleur goust. Cela feroit que le menu peuple les paysans & artisans auroyet bon marché de la chair, & par consequece la volaille se-

roit aussi à meilleur conte.

Il me souuiet de la raison du docteur Picard bonne & politique, ence qu'il remostra au seu Roy Henry, s'il permettoit l'vsage des œuss en

F 3

caresme, qu'one trouveroit ny poules ny poulets apres Pasques: car messines en Angleterre qui est plaine de troupeaux & de volailles, encores que la discretion de viande soit ostee, si est ce neantmoins qu'ils sont cotraines d'entretenir les desences de mager chair à certains iours de la sepmaine, voyant la chair encherir, toutes sois par ce que la Royne, & les grads seigneurs contreuiennent à leurs desenses, le peu-

ple n'en fait pas tel conte qu'il deuroit.

Mais il me semble qu'il y a bien vn moyen plus expedient, sans aucunes defenses: car il n'y arien plus doux ny plus aggreable à l'homme que ce qu'il luy est deffendu, quand celuy qui donne la loy contreuiet à sa dessense. Cela fait que la pluspart du peuple trouue la chair si bonne, & le poisson de si maunais goust, par ce que ceux qui defendent la chair, ne viuent d'autre chose:tesmoing le bon Euesque Espagnol, qui mua le chapó en poisson au iour maigre, apres auoir dit quelques mots: demeurant toutes fois la forme accidentale & le goust du chapon, come recite Poge Florentin . Au contraire si le Prince vient vne fois à leuer les defenses, & neantinoins qu'il se face seruir du poisson, tous les grands seigneurs & courtisans le suyueront, & puis tout le peuple. Voila le seul moyen de mettre le poisson en credit. Ie n'yseray d'autre exemple plus ancie pour verifier mon dire que

de

de celuy d'Adrian Flameng de nation, qui de pauure escholier nourry de merluz, fut cree Pape, par le moyen de son disciple Charles cinqieime Empereur. Et parce qu'il aimoit fort, & louoir sans propos le merluz salé, cela fit que ses courtizans & beguins consistoriaux en mageoyent contreleur conscience, pour gratifier sa sainteté: soudain tout le peuple y courut à l'enuy, come escrit Paul Ioue au liure des poisfons: fibien qu'il n'y auoir rien plus cher à Rome que le merluz salé, car les sins courtizans cotrefont tousiours les Princes, & mesmes és choses les plus ridicules : come il aduint à Ferrand Roy de Naples, qui auoit naturellement le col tors, ses courtizans pour luy complaire, tournoyent le col come luy, le surplus du peuple, & mesme les fols & ignorans, se paissent d'opinions, & suyuent les grands. Voila le paradoxe qui me semble considerable en matiere de viures, pour remedier à la charté.

Quant au dernier point, qui peut aucunement tenir les marchandises à pris egal, c'est l'equalité des monnoyes. Cat si la monnoyes qui doit regler le pris de toutes choses, est muable, & incertaine: il n'y a personne qui puisse faire estat au vray de ce qu'il a: les contracts seront incertains: les charges, taxes, gages, pensions, & vacations incertaines: les peines pecuniaires, & amendes limitees par les coustumes

& ordonnances, seront aussi muables, & incertaines: brief tout l'estat des finances, & de plusieurs affaires publiqs, & particulieres seront en suspeds chose qui est encores plus à craindre si les monoyes sont falsifiees par les Princes, qui font garends, & debteurs de iustice à leurs subiects: Car le Prince ne peut alterer le pied des monnoyes au preiudice des subiects, & moins encores des estrangers qui traitent aucc luy, & trafiquet aucc les siens, attendu qu'il est subiect au droit des gens : sans encourir l'infamie de faux monoyeur:comme le Roy Philippe le Bel fut appelle du poëte Dante, fulsificatore di mone ta, pour auoir le premier afoibli la monnoye d'arget en ce Royaume de la moitié de loy: qui donna occasion de grads troubles à ses suiers, & de trespernicieux exemple aux Princes estrangers: dont il se repentit bien tard, enioignant à son fils Louys Hutin par son testamet, qu'il se gardast bien d'afoiblir les monnoyes. Er pour ceste mesme cause, Pierre 1111. Roy 1. cap.quato. d'Arragon confisqua l'estat du Roy de Maiorde iurciură. que & Minorque, qu'il pretendoit estre son vas lug.in specul. sal pour auoir afoibli les monnoyes. Combien

princ, anno i que les Roys mesines d'Arragon en abusoyent 1245. @ 1336. aussi, de sorte que le Pape Innocent 111. leur sit defense, comme à ses vassaux, d'en vser plus ainsi: suyuant lesquelles defenses, les Roys d'-Arragon venans à la couronne, protestoyent

de ne changer le cours, ny le pied des monoyes approuuces. Mais il ne fussit pas de faire telles protestations, sila loy, & le poids des monnoyes n'est reglé comme il faut : afin que les Princes, ny les subiects ne les puissent falifier quand ils viendront, ce qu'ils feront toussours ayant l'occasion, quoy qu'on les deust rostir & bouillir. Or le fondement de tous les faux monnoyeurs, laueurs, roigneurs, billonneurs, & des écharcetez; & foiblages, des monnoyes ne vient que de la messange qu'on fait des me taux : car on ne sçauroit supposer vn metail pur & simple pour vn autre, obstant la couleur, le poids, le corps, le son, & la nature de chacun differente des autres, comme ie remonstray, quand ie fus deputé par les estats, villes, & preuostez, du pays de Vermandois, pour aller aux estats de France.

Il faut donc pour obuier aux incoueniens que l'ay deduits ordoner en toute Republique, que les monnoyes soyent de metaux simples; & publier l'edit de Tacite Empereur de Rome, por 3. Vopiscus in tant deféses sus peines de confiscatió de corps, & de biens, de messer l'or auec l'argent, n'y l'argét auec le cuyure, ny le cuyure auec l'estain, ou plomb. Vray est qu'on peut excepter de l'ordonance la mixtió du cuyure auec l'estain, qui fait le bronze & metail sonnat, qui lors n'estoit pas en tel vsage qu'il est : & la mixtion de l'estain doux

doux auec le cuyure pour la fonte des artille. ries. Car il n'est pas necessaire, de messer la 'vingtiesme partie de plomb auec l'estain fin, pour le rendre plus maleable puis qu'on le peut ietter, & mettre en euure sans telle mixtion, qui gaste la bonté de l'estain, & qui ne se peut iamais deslier du plomb. Et au surplus, que la defense tienne, tant pour le regard des monnoyes, que pour les ouurages des Orfeures & titeurs d'or: où les fausetez sont encores plus ordinaires, que és monnoyes: d'autant que la preuue n'en est pas facile, & que bien souuent l'artifice est presque aussi cher que la matiere: en quoy Archimede s'abusa voulans descouurir cobien l'Orfeure avoit desrobésus la grand couronne d'or du Roy Hieron: qui ne vouloit pas perdre la façon: (lors ils ne sçauoyent pas l'vsage de la pierre de touche). Il print deux masses l'vne d'or, & l'autre d'argent, pour sçauoir combien l'vn & l'autre ietteroit d'eau hors vn vaisseau, plus ou moins que la couronne: & par la proportion de l'eau, il iugea le volume des deux metaux, & que l'Orfeure auoit desrobé la cinquesme partie, mais son iugemet estoit incertain : car il supposoit que l'aliage n'estoit que d'argent, iaçoit que les Orfeures pour donner à l'ouurage d'or plus de beauté, & de fermeté, & à moindre frais, font l'aliage de cuyure pursquand ils peuuet: qui est beaucoup plus

plus leger que l'arget, qui rend l'or blafe, & pale de couleur: & le cuyure retiet la couleur plus viue, & par consequet, le cuyure a plus de corps, & de volume que l'argent en poids egal, autant qu'il y a de treize à onze,& si l'aliage est de cuyure & d'argent, il estoit impossible d'en faire le vray iugement si on ne sçauoit combien il y a de l'vn, & de l'autre, & encores qu'il soit coneu, si est-ce que l'erreur insensible, qui se fait à mefurer les goutes d'eau, est grad pour la difference du volume des metaux, & n'y a si subtil affineur,ny orfeure au monde qui puisse iugerà la pierre de touche combien il y a d'argent, & de cuyure en l'or, si l'aliage est de l'vn & de l'autre. Et d'autant que les Orfeures, & ioyauliers ont tousiours faict plainte, qu'ils ne pouuoyent besoigner sans perte en or à vingt deux carats, sans remede, ou d'or fin à vn quart de remede fuyuat l'ordonnance du Roy François l'an м. D. X L. & que nonobstant toutes les ordonnances ils font ouurages à vingt, & bien souuent à x1x.carats, de sorte qu'en vingt quatre marcs il y a cinq marcs de cuyure ou d'arget, lequel par trait de temps est forgé en monoye foible, par les faussaires qui veulent y prousiter, il est plus que necessaire de faire defense qu'il ne se face aucun ouurage d'or, quine soit suyuat l'ordonnance, sus la mesme peine de confiscation de corps & de biens, affin aussi que par ce moyen l'vlage

l'vsage de l'or en meubles & doreures, soit pur. Et d'autant qu'il est impossibe, comme difent les affineurs, d'affiner l'or au vingt & quatriesine carat', qu'il n'y ait quelque peu d'autre metail, ny l'argent au douziesme denier, qu'il n'y reste quelque aliage, & mesme que l'affine ment precis suyaut l'ordonnace, de vingt trois & trois quarts de carat à vn huictiesme de remede, & de l'argent à onze deniers deux grains & trois quarts, tel qu'il est és Reaux d'Espagne: ou bien onze deniers dixhuit grains comme il est au poinçon de Paris, qu'il n'y ait du dechet qu'il ne couste beaucaup, outre la dissiculté & longueur du temps, on peut faire que l'or en ouurage, & en monnoye soit à vingt trois carats & l'argent à onze deniers douze grains de fin, l'yn & l'autre sans remede : & en ce faisant la proportion sera esgale de l'or à l'argét:car en l'autre l'empirance cst esgale, c'est à dire qu'en xxIIII.liures d'arget, a xI.den.xII.grains, & en vingt trois carats il y a vne liure d'autre metail qui n'est point or, & vne liure de metail en l'argent, qui n'est point argen, soit cuyure, ou autre metail, & tel argent s'appelle en ce Royaume argent le Roy: auquel la vingt & quatriefme partie est de cuyure. Et par mesme moyen la monnoye d'or & d'argent sera plus forte, & plus durable. En quoy faisant on gaigne aussi beaucoup à l'ouurage, au feu, au ciment,

& on éuite le dechet, l'vsance, & la fragilité. Et affin qui la iuste proportion de l'orà l'argent, qui est en toute l'Europe, & aux regions voisines à douze pour vn à peu pres, soit aussi gardee aux poids des monnoyes, il est besoing de forger les monnoyes d'or & d'argent à mesme poids, de seize & trente deux, & soixante & qua tre pieces au marc : sans qu'on puisse forger la monnoye plus forte de poids, ny plus foible aussi: pour éuiter d'une part la disficulté de la forge, & la fragilité de la monnoye d'or & d'ar gent sin, qui seroit plus leger d'vn denier de poids: & d'autre part, la facilité de falcisser l'vne & l'autre monnoye, pour l'espesseur d'icelle, comme il se fait és portugueses d'or, & dallers d'argent qui ont vne once de poids & plus, come estoit aussi la monnoye d'or pesant trois marcs & demy, que fit forger l'Empereur Heliogabale, & celle qui fut forgee au coing de Constantinople d'yn marc d'or de poids, dont l'Empereur Tibere fit present à nostre Roy Childeric de cinquante. En quoy faisant, ny les changeurs, ny les marchands, ny les orfeures ne pourront aucunement deceuoir le menu peuple, ny ceux qui ne connoissent ny la loy, ny le poids: car tousiours on sera contraint de bailler douze pieces d'argent, pour vne d'or: & chacune des pieces d'argent, poisera autant que la piece d'or de mesme marque : comme on voit és 94

és simples reaux d'Espagne qui poizent autant que les escuz sol, qui sont au poids de l'ordonnance de l'an mil cinq cens quarante, à sçauoir deux deniers seize grains: & que les douze reaux simples valent iustement vn escu, & affin qu'on ne se puisse abuser au changement desdictes pieces, tant d'or que d'argent, ny prendre les simples pour doubles, comme il se fait souuent és reaux d'Espagne, il est besoing que les marques soyent bien differences, & non pas comme celles d'Espagne qui sont semblables. Et toutes fois quant à l'argent à fin qu'on tienne les titres certains de solds, petits deniers & liures, come il est porté par l'edit du Roy Henry 11. fait l'an M.D.L 1. & à cause du payement des cens, amendes, & droicts feigneuriaux portez és coustumes, & ordonnances, le sold sera de trois deniers de poids argent le Roy, comme dit est, & de L x I I I I au marc, & les 4. vaudront la liure qui court qui est le plus iuste pris qu'on peut donner, & chacune piece se pourra diuiser en trois: de sorte que chacune poizera vn denier, & sera de quatre petits denier de cours: & s'appellera denier commun: affin que le fold vaille toufiours x11.den.& que les plaintes que font les seigneurs, pour le payement de leurs droits seigneuriaux, qui estoyent anciennement payez en forte monnoye blanche, cessent estant remis sus la forge des solds tels qu'ils

qu'ils estoyent au temps de sainct Louys, c'est à dire de LXIIII. au marc d'argent le Roy. Et quant aux autres rentes foncieres, & hypothecaires constituees en argent, qu'elles soyent payces, cu elgard à la valeur que tenoit le fold au temps qu'elles furent costituees, laquelle valeur n'a esté que de quatre deniers de loy pour le plus depuis cent ans: qui n'est que la tierce partie du soldancien, tel qu'il est necessaire de remettre en vsage. Telle estoit la dragme d'argent vsitee en toute la Grece, à sçauoir la huitiesme partie de l'once, que nous appellos gros, & de mesme poids que les solds que sit forger fainct Louys, qui s'appelloyent gros tournois: & fols tournois: sur lesquels sols tournois sont reglez tous les anciens cotrats, & adueuz, & plusieurs traitez non seulemet du royaume, ains aussi des estrangers come au traité fait entre les Bernois & les trois petits Cantons, il est dict que les gages des soldats sera vn sold tournois, qui estoit pareille en ce Royaume, & s'appelle solde pour ceste cause, qui estoit la mesme solde des Romains comme dict Tacite, & des Grecs, come nous lifons en Pollux: car la dragme est de mesme poids que le sold tournois. Les Venitiens ont suyui les ancies,& font l'once de huit gros ou dragmes, & la drag me de xxIIII. deniers, & le denier de deux oboles, ou xx1111. grains, comme nous faisons en Fran96

France, & se fait en Espagne, & en Afrique, de laquelle regle il ne se faut departir, comme e-stant tresancienne en toute la Grece & regions Orientales.

Vray est que les anciens Romains ayans l'oce esgale aux Grecs, c'est à sçauoir de cinq cens septante & six grains, la diuisoyent en sept deniers de leur monnoye, & leur denier valoit vne dragme Attique, & trois septiesmes d'auatage. En quoy Budé s'est abusé, disant qu'il y auoit hu it deniers en l'once, & que le denier Romain estoit egal à la dragme Attique, & la liure Romaine, egale à la mine Attique : combien qu'il est certain que la liure Romaine n'auoit que douze onces, & la Mine Grecque seize onces, comme la liure des marchands en ce Royaume: ce que Georges Agricola a tresbien monstré par le calcul de Pline, Appian, Suetone,& Celse, Si donc on veut forger les pieces d'or & d'argent de mesme poids, & de mesme nom, & de mesme loy: c'est à dire qu'il n'y ait non plus d'aliage en l'or qu'en l'argent : elles ne peuvent iamais hausser ny besser de pris commeil se faict plus souuent que tous les mois, à l'appetit de ceux qui ont puissance aupres des Princes, lesquels amassent & empruntent les monnoyes fortes, & puis les font hausser : de sorte qu'il s'en est trouué vn lequel ayant emprunté iusques à cent mil escuz, fist hausser le

pris de cinq fols tout à coup fus l'escu & gaigna vinge cinq mil francs. Vn autre sit raualler le cours des monoyes au mois de Mars, & le haufsa au mois d'Auril, apres auoir receu le quartier. On tranchera aussi toutesles falsificatios des monnoyes, & les plus groffiers, & ignorans conoistront la bonté de l'vne, & de l'autre monnoye à l'œuil, au son, au poids, sans feu, sans burin, sans touche. Car puis que tous les peuples depuis 2000. ans, & plus ont presque tousiours gardé, & gardent encores la raiso esgale de l'or à l'argent, il sera impossible, & au peuple, & au Prince de hausser, ny baisser, ny alterer le pris des monnoyes d'or & d'argent estant le billon banny de la Republique: & l'or au vingt & troisicsme carat. Et neantmoins pour soulager le menu peuple il est aussi besoin, ou de forger la troisiesme espece de monnoye de cuyure pur, sans calamine, ny autre mixtion de metail ainsi qu'on a commencé, & comme il se fait en Espagne, & en Italie, ou bien diuiser le marc d'argent en quinze cens trente six pieces, chacune piece de neuf grains. Car la Royne d'Angleterre ayant du tout decrié le billon, & reduit toutes les monnoyes à deux especes seulement, la moindre monnoye d'argent, qui est le pené, vaut huict deniers ou enuiron, qui faict qu'on ne peut achepter à moindre pris, les menues danrees, & qui pis est, on ne peut faire charité à

YD

vn pauure moindre que d'vn pené, qui empesche plusieurs de rien donner. Mais il seroit beaucoup plus expedient den'auoir autre monnoye que d'or, & d'argent, s'il estoit possible de forger monnoye plus petite que le pené, & qu'on voulut diuiser le marc d'argent aussi menu comme en Lorraine, qui en font huit mil pieces, qu'on appelle Angenines, dont les deux cens ne valent qu'vn Real, & les quarante vn fold de nostre billon: & sont d'argent assez fin, & en faisant la moitié moins, elles seront plus folides, & de la loy que i'ay dit, & se pourront tailler & marquer d'vn poinçon trenchant en vn mesme instant. Carle pris du cuyure, estant variable en tout pays, & en tout temps, n'est pas bien propreà faire monnoye; qu'on doit tenir tant qu'on peut inuariable & immuable de pris, ioint aussi qu'il n'y a metail plus suiect à la rouilleure qui ronge la marque & la matiere. Et quant au pris, nous lisons que du teps de la guerre Punique la liure d'argent, valoit huit cens quarate liures de cuyure pur, à douze onces la liure: & lors le denier d'argent pur, qui e-stoit la septiesine partie de l'once, fut haussé de dix liures de cuyure, qui valoit, à seize liures, comme dict Pline, qui estoit à raison de huict cens quatre vingts seize liures de cuyure pour vne liure d'argent, la liure estant de xII. onces. depuis la moindre monnoye, qui estoit vne li-

ure de cuyure, fut appetissee de moitié par la loy Papiria, demeurant en mesme valeur, & lors que l'argent vint en plus grande abondance, elle fut reduite au quart demeurant en mefme valeur, qui estoit à la raison de deux cens xx1111. liures de cuyure la liure d'argent: qui est à peu pres l'estimatió du cuyure en ce Royaume, où les cent liures à seize onces la liure, ne valent que dix-huit francs: & en Alemagne il est encores à meilleur pris ores que les meubles & les Eglises mesme en soyent couvertes en pluficurs lieux, mais il est plus cher en Italie & encores plus en Espagne, & en Afriq, où il y en a beaucoup moins. Qui est bien loin de l'estimation de cuyure, que sit l'Eempereur Arcadius, qui aualua la liure d'or à cent liures de cuyure, ce quine peut estre fait, que par maniere de prouision, attendu que l'abondance de ce metail, eu esgard à l'argent, diminura. on me dira que l'abondance d'argent peut aussi apporter la diminutió de son pris: comme de fait nous li sons en Tite Liue que par le traitté fait entre les Actoliens & les Romains, il fut dit, q les Acto-3. l. vlt. de au liens payeroyét pour dix liures d'argent vne li-ri presio. C. ure d'or, & neantmoins par l'ordonnance d'Ar- 4. L'quotiefcadius la liure d'or est estimee xIIII. liures d'ar-cunque de suf gent, & deux cinquesines d'aduatage: car il veut septorib.C. qu'on paye v. solds d'or pour vne liure d'argent: & fait soixante & douze solds d'or en la liure,

de sorte que cinq solds est iustemet la quatorziesme partie de la liure, & deux cinquesmes d'auantage, & à present le pris est de douze pour vn, & quelque peu moins. Vray est que par cy deuat le marc d'or fin estoit estimé cent octante & cincq liures: & le marc d'argent xv. liures xv. solds tournois, de sorte qu'il falloit pour vn marc d'or fin hors euure, onze marcs cinq onces, xxIII. deniers cinq grains argent le Roy hors euure, vers les pays de Septentrion, où il y à plusieurs minieres d'arget, & fort peu d'or, l'or est plus cher: & par l'estimation faite en la chambre du Pape, le marc d'or est prisé douze marcs d'argét & quatre cinquesmes, qui estoit à peu pres le pris de l'or à l'argent il y a deux mil cinq cens ans : car nous lisons en Herodote que la liure d'or valoit traize liures d'argent:& les Hebreux en leurs pandectes,mettent le denier d'or pour vingt & cinq d'argent: les monnoyes d'or estans doubles à celles d'argent, qui seroit douze & demy pour vn. Aussi lisons nous qu'au temps des Perses, & lors que les Republiques de la Grece fleurissoyent l'once d'or valoit vne liure d'argent : car le stater Darique du poids d'vne once valoit vne liure d'argent, comme dit Iullius Pollux. En quoy on peut iuger que le pris de ces deux metaux est à son ancien pied. Mais l'estimation de l'or fut augmentee souz les derniers Empereurs,

reurs, pour le degast d'or qui se faisoit à dorer toutes choses; comme fir Neron fon grand Palais tout doré, qui auoit les galeries de mile pas: & apres luy Vespasian qui employa à do rer le Campidol la valeur de sept milions deux cens mil escuz couronne: & mesmes Agrippa dora toute la conuerture du temple Pantheon, pour garder le cuyure de rouiller: comme on fait aussi du fer qu'on dore pour le garentir de la rouillure : & mesine l'argent souvent est doré, iaçoit qu'il ne souffre iamais rouillure,& files Princes ne font defenses de dorer, il faudra par necessité que le pris de l'or croisse, attendu que l'argent n'ayant point de tenue, n'est point ou peu employé pour argenter, ioint aussi que les minieres de Septentition rapportent beaucoup d'argent, & point d'or: & celles des terres neufues, rapportent beaucoup plus d'argent que d'or. Neantmoins le changemet du pris qui se fait par long trait de temps est insensible, qui ne peut empescher que la loy des monnoyes forgees de ces deux meraux ne soit esgale en toutes Republiques, chassant du tout le billo, ioint aussi que la trassque comunique à toute la terre plus que iamais, ne peut souffrir varieté notable du pris d'or, & d'argent, que du commun consentemet de tous les peuples : car mesmes du téps d'Auguste la proporrio d'or,& d'argent estoit esgale aux Indes Orientales, &

blable a celle d'Occident: ce que ayant conneu vn Roy des Indes, loua la iustice des Romains, comme dit Pline. Mais il est impossible d'arrester le pris des choses retenant le billon, qui est par tout different & inggal:car tout ainsi que le pris de toutes choses diminue, diminuant la valeur des monoyes, comme dit la loy auffi croist il en augmentant le pris des monnoyes. Et faut qu'il croisse & diminue , puis qu'il n'y a Prince qui tienne loy de billon esgale aux autres Repu bliques ny en la sienne mesine, d'autant que la loy du sold, est differente à celle des testons, & des petits deniers, doubles, liards, pieces de fix, & de trois blancs : qui ne demeurent gueres en mesme estat. La premiere ouuerture qu'on fist ence Royaume d'affoiblir l'argent monnoyé, & y messer la vingt & quatrichne partie de cuy ure, fut pour doner occasion aux marchads d'ap porter l'argét en ce Royaume, qui n'en a point: qui estoit doner la vingt quatriesme partie d'ar gent à l'estranger: car autant valoyent en France vnze deniers & demy d'argent, que douze deniers au pays d'autruy; mais il n'estoit point de besoin: veu les richesses de la France qu'on viedra toufiours chercherapportant l'or & l'arget de tous costez. Ce mal print accroissement au temps de Philippe le Bel qui affoiblit la monnoye blanche de moitié, l'an M. C. C. y messant autant de cuyure que d'argent, quelque temps.

temps apres on la diminua insques au tiers, de forte que les nouveaux folds ne valayent que le tiers des ancies, & l'an M. CCCCXXII. la loy des folds estoit foible, que le marc d'argent valoit LXXX. liures tournois, & auoit seize cens pieces pour marc d'euure. Vray est que l'annee mesme Charles VII. reprenant la couronne qu'on luy auoit oftee, pour entretenir son credit, fist forger au mois de Nouembre nouuelle monnoye forte & bonne, tellement que le marc d'argent fut mis à huich liures : mais en fin il fist forger les solds a cinq den. deloy l'an M. CCCC. LIII. & depuis peu à peu ils ont toussours diminué: tellement que le Roy François 1. en fist forger l'an M.D.XL. à trois deniers scize grains de loy: le Roy Henry à trois deniers douze grains : de sorte que l'ancien sold d'argét le Roy, en valoit pres de quarre, demeurant tousiours l'estimation pareille. Les autres Princes n'ot pas mieux fait: carle creutzer d'Almagne qui estoit anciennemet d'argent à x1. deniers quatre grains, est maintenant à quatre deniers seize grains :les solds de Vvirtburg, & le Reichz groschen à six deniers, c'est à dire moitié argent moitié cuyurc. Le Scheslind, le Rapin, les deniers de Strafbourg à quatre deniers douze grains, le Rapefemin à quatre deniers trois grains, & les florins d'argent à onze deniers quatre grains, come aussi sont les pieces de cinq, & de dix creutzers.

zers. Les solds de Flandre ou patars dot les xx. valent xx1111. des nostres, ne sont qu'à trois deniers dixhuit grains de loy, & plus de deux tiers est de cuyure, la piece de quatre patars est a vII. den x grains de loy, les brelingues de Gueldres font a huir deniers de loy: & le tiers est de cuyure. Par cy deuat les folds, ou gros d'Angleterre, estoyent à dix deniers, vingt & deux grains, & iamais tout ce billon n'a esté plus de vingt ou trente ans à mesine loy, ny à mesine poids. Et de la est venu la difference de la liure de gros tourn. petits & moyes: la liure de Normadie, la liure de Bretagne, la liure de Paris, qui sont tou tes differentes, come on peut voir encores aux taxes de la chambre du Pape. Et en Espagne la liure de Barcelone, de Tolede, de Malorque: en Angleterre, la liure Desterlings en vaut huit des nostres. Et en Escosse il y a deux liures fort differentes, l'vne d'Esterlings, l'aute vsagere. Et n'y a Prince en Italie qui n'ait sa liure de monnoye differente aux autres, comme en cas pareil le marc par tout a huit onces: mais l'once du bas pays est plus foible de fix grains, que la nostre, & celle de Colongne de neuf grains : celle de Nuremberg de vi. grains: & au cotraire celle de Paris est plus forte d'vne once: & le marc de Naples à 1x. gros: celuy de Salerne en a x.& n'y a presque ville en Italie qui n'ait son marc differend des autres: ce qui red encores plus difficile

le pied du billon, estant le poids & la loy si differends, qui fait que le pauure peuple est bien fort trauaillé, & perd beaucoup aux changes: & generalement tous ceux qui n'entendet le pair, comme parlent les banquiers, c'est à dire la valeur de la monnoye de change d'vn lieu à vn autre: C'est pourquoy on dit encores d'vn home rompu aux affaires, qu'il entied le pair, comme chole bien difficile. Car on a si bien obscurci le fait des monnoyes par le moyen du billonnage, que la plus part du peuple n'y voit goute: & tout ainsi que les artizans, marchads, & chacun en son art deguise bien souvent son ouurage, come plusieurs medecins qui parlent Latin deuant les femmes, & vsent de characteres Grees, de mots Arabes, & de notes Latines abregees, & brouillet quelqsfois leur escripture fi bien qu'on ne la peut lire, craignant si on decouuroit leurs receptes qu'on n'en fist pas si grande cstime qu'on fait: aussi les monnoyeurs au lieu de parler clairement, & dire que la masse d'or, des douze pars en a deux de cuyure, ou d'autre metail, ils disent que c'est de l'or à vingt carats: pour dire que la piece de trois blancs est moitie cuyure, ils disent que c'est de l'argent à fix deniers de fin, deux deniers de poids, & xv. deniers de cours: donnant aux deniers, & aux carats, essence, qualité, & quantité contre nature. Et au lieu de dire, le marc a soixante pieces, ils disent de cinq folds de taille. Puis apres ils font vne monnoye stable, l'autre instable, & la troisieme imaginatine: iacoit qu'il n'y en a pas vne stable, & le changement, & imagination vient pour affoibli le poids, & tricoté la purité d'or & d'argent. Car le ducat courant de Venize, Rome, Naples, Palerme, & Melline qui est yne monnoye imaginatiue, estoit anciennement la vraye monnoye d'or pelant vn Angelot, ou bien vn Medin de Barbarie, & IIII. deniers d'auantage, qui est iustemet l'imperiale de Flandres de mesme poids, & loy, que l'acien ducat valant dix carlins d'argent, & le carlin dix folds du pays:à XLVI. pieces pour marc d'or & fix pour once, qu'ils divisent en trente tari, & le tari en vingt grains qui est vn gros sus l'once plus que l'once comune, qui n'a que huit gros, la loy appelle ceste monoye d'or solidus, tel q l'Angelot à 48. pieces pour marc, & 72. pour li. Romaine à x11. onces, qui a longuemet eu son cours porté par les loix des Grecs, Alemas, Anglois, François, Bourgognons: & n'est rien autre chose que l'escu sol de France, c'est à dire solidus, que les monnoyeurs n'ayant bien entendu le mot solidus, ont depuis cinquante ans figuré par vn Soleil, toutesfois le peuple maistre des parolles, retenant l'antiquité l'appelle encores escu Sol qui pesoit anciennement quatre deniers come l'Angelot: & depuis les Prin-

107

ces petit à petit, & grain à grain l'ot fait venir à 111.den qui est lescu vieil : & du téps du Roy Iean, l'escu vieil estant diminué peu à peu, come l'ancie escu sol, de 111. grains, on forgea les escuz à deux deniers xx. grains de poids de mesme loy que les anciens; qui furent appellez francs à pied, & à cheual (carlors ils appelloyent les François Francs, come encores en tout l'Orient les peuples d'Occident sont appellez. Franques) auquel temps l'escu de Bourgongne qu'on appelle Ride, fut aussi forgé de melme poids & loy, & ont duré iusques au temps de Charles VIII. que l'escu de France sut diminué de six grains de poids, & de trois quarts de carat de fin : car les anciens estoyent à x x 1 1 1 . & trois quarts de carat & les escuz couronne à xxIII.carats. Depuis le Roy François 1. corrigeant yn peu l'escu couronne, sit forger les escuz sol à deux deniers seize grains, & de mesme loy q l'escu couronne, fors vn huitiesme de remede qui est demeuré iusques au Roy Henry qu'il fit fortifier de 1 1 1 grains de poids, & par Charles Ix. diminué de v. grains l'an M.D. LXI. Mais les escuz vieux ou ductas de Venize, Gen nes, Florence, Sennes, Castille, Portugal, Hongrie, ont gardéla loy de xxIII. & trois quarts de carat, & II. den. dixhuit grains de poids, iufques à l'an mil cinq cens quarante, que l'Eempereur Charles v. affoiblit la loy des escuz d'EC--1957

d'Espagne d'un carat, & trois quarts & de trois grains de poids, faisant forger à xxxx. carats deux deniers quinze grains de poids les escuz de Castille, Valence, & Arragón qu'on dit pisto lets:donnant yn fort mauuais exemple aux autres Painces de faire le semblable, comme sirent les Princes d'Italie : qui ont fait forger à vingt & deux carats, & au dessouz de fin, & de poids deux deniers seize grains : come sont les escuz deRome, Luque, Boulogne, Saluce, Gennes, Sennes, Sicile, Milan, Ancone, Matoue, Fer rare, Florence, & les nouveaux escuz de Venize. Vray est que le Pape Paul 111: commença faifant forger des escuz souz son nom de xx1. carat, & demi, & de deux deniers xIIII. grains de poids: & ceux d'Auignon forgez au mesme temps souzle nom d'Alexadre Farez legat petit fils du Pape, sont encores plus foibles de loy, & diminuez de cinq deniers de poids, ce qui ap porte vn dommage incroyable aux suices : & prousit aux saux monnoyeurs, billonneurs, & marchands, qui tirent la forte monnoye du pays, pour en forger de foible au coing d'autruy. Ce qui est encores plus ordinaire en la monnoye blanchede haute loy, & au deffus d'onze deniers de fin : come les reaux de Castille, qui tiennent tous onze deniers trois grains de fin: sus lesquelles les autres Princes ont gagné beaucoup parcy demant: car inclines estant co-

uerties en testons de France sus cent milliures il y auoit proufit de fix mil cinq cens liures, sans affoiblir la loy du teston de France, qui tiet dix den.dixsept grains de fin. Et par mesme moyen les Suisses qui couertissoyet les testons de France, en testons de Soleure, Lucerne, Vnderual, gagnoyet sus chacun marc, x11. sold onze deniers tournois, & neuf vingt sixiesmes de denier: car ceux de Lucerne, Soleure, & Vnderual, ne sont qu'à neuf deniers dixhuit grains, qui sont xxIII. grains de fin, moins que ceux de France pour marc, qui valent xxv. folds tournois. Et quant au poids, ceux de France sont du moins à vingt cinq testons, & cinq huitiesmes de teston pour marc, qui est trois huitiesme de teston pour marc, que les testons de Soleure sont plus foibles au poids, qui valoyet quatre folds trois deniers tournois. Et par ce que lesdits testons ne pequent estre aualuez que pour argent de basse loy, qu'on appelle billon, estans au dessouz de dix deniers de fin, à l'estimation de qua torze liures dixsept solds quatre deniers tournois le marc de fin: & les testos de France pour estre plus hauts de dix deniers de fin, sont aualuez pour argent de haute loy qui vaut à mesme proportió quinze liures treize solds tournois le marc de fin, & pour la difference de l'argent de haute loy à basse loy, lesdits testons sont moindres que ceux de France de douze solds huit

huit deniers tournois pour marc de testons. Par ainsi les testons de Soleure valent moins que ceux de France de quarante &vn folds vnze deniers tournois pour marc, reuenat pour chacune piece desdits testons, vn sold onze den. tournois, & neuf vingt & fixielmes de denier, ceux de Berne, pour estre à neuf deniers vingt grains de fin pour marc, valent vn denier tournois pour piece d'auantage que ceux de Soleure. Or en gagnant seulement dix solds pour marc, c'est vn prousit bien grand. Les Flamengs font le semblable conuertissans les testons de France en reaux de Flandres. Les ordonnances de chacun Prince, ont bien pourueu que l'or,& l'argent ne fust transporté aux estrangers souz grandes peines:mais il est impossible de les executer, que il n'en soit emporté beaucoup, & par mer & par terre. Et quand ores on garderoit si bien, qu'il n'en sortist rien du tout, si estce que les suicts auront tousiours beau moyen de billonner, difformer, alterer, & fondre les monnoyes blanches, & rouges, s'il y a diuersité de loy: soit en vertu des permissions données à quelques orfeures, soit contre les defenses: car ils emboursent le defaut de loy qui se trouue en leurs ouurages, tant pour les remedes qui leur sont permis, que de l'email, & soudure, dont ils vsent, employans en ouurage les bonnes especes, & se moquent des loix, & ordonnances qu'on

qu'on fait sus le pris du marc d'or & d'argent, failans porter la façon des ouurages tel pris que bo leur semble, en sorte qu'il est tousiours plus cher vendu aux orseures, qu'il n'est porté par les ordonnances: l'argent de quarante ou cinquante folds: l'or de x11. ou x111. liures sus marc qui fait que l'or & l'argent est achepté plus cher des orfeures, & marchands, qu'il n'est des monnoyeurs, qui ne peunent passer l'ordon nance du Roy pour l'achept des matieres, ny pour la forge. Et si tost que la matiere est forgee en monnoye plus forte de poids, ou de loy que celle des Princes voisins, elle est fondue,& recuillie par les affineurs, & orfeures pour la conuertir en ouurage, ou par les estrangers, pour en forger monnoyes à leur pied: à quoy les changeurs seruent comme ministres,& souz vmbre d'accommoder le peuple de monnoyes, trafiquent auec les orfeures & marchands estrangers: car il est certain, & s'est trouué que depuis vingt cinq ans que les petits solds furent descriez, il en a esté forgé en ce Royaume pour plus de xxv. milios de liures outre les pieces de trois, & de six blancs, qui ne se trouuent plus, par ce que les affineurs, & orfeures y onr trouvé proufit. Qui fait que ceux qui ont beaucoup de vaissaille d'or & d'arget ne s'en peuuentayder: car l'ayant acheptee bien cher des orfeures, ne la veulent bailler auec si grande per

te: & mesmes le Roy Charles Ix. perdit beaucoup ayat reduit sa vaisselle en monoye, au lieu qu'au parauat la loy des monnoyes d'argent estoit tousiours esgale à la loy des orseures, tellement qu'on ne pouvoit rien perdre en la vais saile que la façon: ce qui nous est encores demeuré en comun prouerbe, c'est voisselle d'argent, on n'y perd que la façon. Il faut donc pour retrancher tous ces inconueniens que la loy des monnoyes,& des onurages d'or & d'ar gent soit esgale: c'est à sçauoir à xx 111, carats en l'or sans remede, & onze deniers douze grains en argent. On quoit trouue moyen d'ob uier aucunement aux abuz, en affermant le reuenu des monnoyes, & des confiscations, & amendes qui prouiendroyent des forfaitures, & la ferme deliuree l'an mil cinq cens soixante & quatre, pour la somme de cinquante mil liures par an. Toutesfois cela fut aboly à Moulins l'an M.D.LVI. & les monoyes affermees à ceux qui offriroyent de forger plus grande quantité de marcs d'or & d'argent : qui est bien couper quelques branches & rameaux, mais la racine des abuz demeurant, iamais on ne cessera d'y faire fraude. La racine des abuz est la confusion des trois metaux, or, argent, & cuyure, laquelle cessant, ny le suiet, ny l'estranger, n'y pourra faire aucune fraude, qui ne soit aussi tot descouuerte. Car tout ainsi que la monnoye de cuy-

cuyure, ou de rosette pure n'a point eu de lieu en ce Royaume, d'autat qu'on n'y en forgeoit point, aussi le billon estant descrié, auec dessenses d'en forger, le bilon de l'estranger en sera aussi du tout banny, & ne faut esperer que les estrangers, & suicts cessent de billonner en particulier, & receuoir toutes monnoyes estrangeres, tant que le Prince & la Republique feront forger du billon. Combien qu'il y a encores yn autre proufit, & en public, & en particu-· lier, qui reuient de la defence que i'ay dict de mesler les metaux, c'est d'éuiter à l'aduenir la perte de l'argent, qui n'est compté pour rien en l'or de quatorze carats, & au dessus, & se perd pour les fraiz de l'affinemet qui se fait parvoye de cimet Royal, ou par eau de departicar il faut du moins soixate solds pour departir vu marc, &neantmoins la perte est fort grande en quantité no table, come tous les florins d'Almagne ne sont que à seize carats, ou seize & demy pour le plus, qui sont du moins en cent mil marcs trente & trois mil marcs de perte, & à quatorze carats quarante mil marcs & plus: Et Outre ce que l'ay dit les abuz des officiers des monnoyes cesseront, pour le regard des écharcetez, & foiblages, sus lesquels les gages des officiers estoyent pris: pour lesquels faire cesser Henry 11. Roy de France auoit ordonné qu'ils seroyet payez par les receueurs des lieux, dus de mant mont. Le com eller 114

laquelle ordonnance quoy qu'elle fut saincte, si est-ce toutes sois qu'elle fut casse par Charles Ix. sus la remonstrance de la chambre des comptes de Paris, qui fist entendre que le Roy perdoit tous les ans plus de dix mil liures, au lieu de tirer proufit de ses monoyes: d'autat que les officiers estoyet payez & ne faisoyet quasi rien. Mais le vary moyen pour y remedier, est de suprimer tous les officiers des monoyes horsmis ceux qui seront en l'une des villes pour forger toutes les monnoyes, & les faire payer parle receueur des lieux, démeurant le droit de seigneuriage, que les anciens toutesfois ne connoissoyent, & n'estoit rien deduit sus la monnoye, non pas mesmes le droit de brassage, com meil seroit fort necessaire, ou plustost qu'on mist vne taille sus les subiects pout la forge des monoyes, pour abolir le droit de seigneuriage & de braffage, comme il se faisoit anciennemet en Normandie, & se fait encores en Polonge, pour obuier au dommage & perte incroyable que souffrent les suiets. Aussi par ce moyen la varieté du pris du marc d'or, & d'argent, qui cause vn milion d'abus cessera. Et les especes ostrangeres, ne seront receues que pour mettre en fonte, sans rien compter pour le seigneuriage, ny pour le brassage: nonobstant les lettras obtenues par les Princes voisins, pour exposer au pris d'autruy leurs monnoyes à tel pris qu'en leur territoire. Et pour oster toute

occasion de falsisier, alterer, ny changer la loy receuë des monnoyes d'or & d'argent, il sera besoing de forger toute les monnoyes en vne seule ville, où resideront les luges des monnoyes & supprimer les autres si la Monarchie, ou Republique n'est de si grande estédue, qu'il soit besoing d'en establir d'auantage, auquel lieu tous les affineurs besoigneront, auec defenses sus peine de la vie, d'affiner en autre lieu: car de ceux là viennent les plus grands abuz: & donner la conoissance aux Iuges ordinaires par preuention de punir tous les abuz qui s'y com mettront: car on sçait assez cobien il y a eu d'abuz en la forge des monoyes de ce Royaume, & aux boiftes, pour le peu de Iuges, aufquels la conoissance est attribuce prinatinement à tous autres: & mesmement apres la suppression des generaux subsidiaires. Il est donc bien necessaire de suyure l'exemple des anciens Romains, qui n'auoyent pour tous les suiets d'Italie que le temple de Iunon, où se forgeoyent trois sor tes de monnoyes pures, & simples, à sçauoir d'or, d'argent, & de cuyure, & trois maistres des monnoyes, qu'ils faisoyent forger, & ashner en public, & en veue d'vn chacun. Et afin que personne ne sur abusé aux pris des monnoyes, on establicaussi vn lieu pour faire l'essay des monnoyes à la requeste de Marius Gratidianus. Aush lisons nous qu'en ce Royaume H 2000 par par ordonnance de Charlemagne il fust deffendu de forger autre monnoye qu'en son palais. Mais depuis que les Roys Philippe le Bel, Charle son fils, & lehan establirent plusieurs monnoyes en ce Royaunie, & plusieurs maistres , gardes , Preuosts , & autres officiers en chacune monnoye, les abuz se sont aussi multipliez. Icy peut estre on me dira que les Perses, Grees, & Romains, forgeovent les monnoyes pures d'or, d'argent, & de cuyure à la plus haute loy que faire se pouuoit, & neantmoins on ne lessoit pas de les falsifier, come nous lisons en Demosthene au pledoyé contre Timoctate. Ie responds qu'il est bien dificile d'en nettoyer du tout la Republique: mais pour mil qu'il y en a, il ne s'en trouuera pas dix, ostant la difficulté qu'il y aura, estant la loy d'or, & d'argent conneu à chacun, par le moyen que i'ay deduit. Et s'il se trouue Prince si mal conseillé d'alterer la bonté des monnoyes pour y gaigner, conime Marc Antoine, qui fit forger monnoye blanche de basse loy, tost apres elle sera reiettee, outre le blasme qu'il en receura d'vn chacun: & le danger de la rebellion des suicts: qui fut grande au temps que Philippe le Bel affoiblit la loy des monnoyes. Quoy qu'il en soit, il est bien certain qu'il n'y cut oncques moins de faux monoyeurs qu'il y auoit du teps des Romains, qui n'auoyent monnoye d'or, n'y d'argent, qui ne fut de haute loy. Car mesmes le Tribun Li-

uius Drusus, fut blasme de ce qu'il auoir presenté requeste, tendant à fin qu'en la monnoye d'argent on messast la huitiesme partie de cuyure, ou comme nous disons; qu'on forgeast à dix deniers x11. grains de fin, que monstre bien que deslors mesmes on ne vouloit pas souffrir la confusion d'or & d'argent, & que l'argent e-Roit de la plus haute loy, come estoit aussi l'or, ainsi qu'o peut voir des medailles d'or qui sont à xx111. & trois quarts de carat, & mesmes il s'en trouue de la marque de Vespasian Empereur, où il n'y a à dire qu'vn trente &deuxiesme de carat, que l'or ne soit à xx1111. carats, qui est le plus sin or qu'on puisse voir. Mais il suf-sit pour les causes que i'ay deduites, que l'or soit à xx 1 11. carats, & l'argent à onze deniers douze grains: a fin aussi qu'on n'ayt point d'occasion de se excuser, qu'on n'est pas maistre du fcu, & qu'on demande vn quart pou pour le moins vn huicticfine de remede : qui est caufe de beaucoup d'abuz : laissant toutesfois deux felins de remede sus le marc de monnoye forgee au coing. Encores peut on dire qu'il seroit plus expedient de forger pour le moins des doubles,& deniers de basse loy, pour éniter à la pefanteur de la monnoye de cuyure. Ie dy que si on permet de forger billon, pour petit qu'il foit, qu'il seratiré en consequence des liards,& folds, & sera tousiours à recommencer. Et en-H 3 cores

cores qu'o ne forgeast que doubles, & deniers, neantmoins c'est tousiours faire ouverture aux faux monoyeurs de tromper le menu peuple, pour lequel ceste monnyoe est forgee, & en laquelle il ne connoistrien, & moins encore se soucie de la prendre, pour le peu de pris qu'elle vaut, sans s'enquerir de la bonté, ou valeur d'icelle. Pay vne lettre de laques Pinatel au Roy Henry 11. où il y a ces mots, Sire, ie veux bien vous aduertir que depuis six mois on à forgé en vne de voz monnyoes des douzains foibles pour chacun marc sus le poids de xx. solds, & sus la loy de quatre solds, quad il plaira à vostre maiesté ic vous feray voir l'ouurage, & vous feray entendre le grand dominage que vous, & vostre peuple en receuez. & aurez encore plus grand, si par vostre maiesté n'y est pourueu à toute rigueur. C'estoit alors qu'il forgea les pieces de six blancs par mandemet du Roy, de quatre deniers de loy, & deux grains de remede, & quatre den. quatorze grains de poids: qui estoit le meilleur billon qui fust lors en Fra ce:aussi fut-il bien tost fondu, en sorte qu'o n'en voit quasi plus. Or chacun sçait que le dommage que receuoit le Roy & le peuple de vingt & quatre solds sus le marc, reuenoit a plus de xxv.pour cent. Et neantmoins le mesme Pinatel, ayant arraché souz main vne comission de la chambre des generaux des monnoyes l'an it. D.L.II. fift forger des doubles & des deniers, à

Villeneufue d'Auignon, & à Ville-franche de Rouergue, qui ne furet estimez que x11. solds le marc: & fut verifié, qu'il anoit par ce moyen desrobé de clair & net peu moins de quatre ces mil liures, & auoit rachepté sa grace pour cinquante mil liures qu'il dona à vne dame, qui fist differer le supplice, plustost que doner la grace. Ie dy donc qu'il ne faut aucunement souffrir le billon en forte quelconque, qui voudra nettoyer sa Republique de fausses monoyes. Aussi par: ce moyen cessera le domage que reçoit le pauure peuple au decri des monnoyes ou diminution du pris d'icelles, apres qu'o les a affoiblies, & n'aurot plus de lieu aupres des Princes, ceux qui leur font entendre le prousit qu'ils peuuent receuoir de leurs monnoyes : comme fist vn certain officier des monnoyes, qui faisoit entédre au conseil des finances & l'escriuit au Roy Charles ix. qu'il pouuoit faire vn grand proufit de ses monoyes, au soulagement de son peu ple: & de fait par son calcul il se trouuoit que chacun marc d'or fin mis en euure, rendoit au Roy huit liures tournois, au lieu qu'il n'en rece noit que xxv. solds quatre deniers & seize vinge & troisiesmes de denier: & pour marc d'argent le Roy mis en euure, quarante solds tournois, au lieu que le Roy n'en receuoit que seize deniers mis en euure de testons. Il conseilloit de forger monoye d'argent le Roy de douze folds tournois de cours, & de xxx. pieces au marc, du poids de six deniers neuf grains trebuscans, les demis, & quarts à l'equipolent : & la monnoye d'or à vingt quatre carats, vn carat de remede de trente pieces au marc & de mesme poids que l'argent à six liures tournois: & neatmoins il vouloit aussi qu'on forgeast du menu billon de trois deniers de loy, de trois cens xx.pieces au marc & de trois deniers de cours, & tout autre sorte de billon au dessouz de dix deniers fin, arrestant le marc à quatorze liures tournois. Voila son aduis qui fut reietté, comme il meritoit, aussi est-ce chose fort ridicule de penser que le Roy peuft tirer vn si grand prousit de ses monnoyes au soulagement du peuple : s'il est vray ce que dit Platon, qu'il n'y a personne qui gaigne, qu'vn autre n'y perde, & la perte par necessité inéuitable tomboit sus le subiet, puisque l'estranger n'en sentoit rien.Bien est il vray qu'il feroir besoin que quelque grand Prince moyennast cela par ses Ambassadeurs enuers les autres, affin que tous les Princes d'vn commun consentement fissent aussi defences de plus for ger de billon, mettant la loy des monoyes d'or & d'argent come il a esté dit cy dessus, & vsant du marc à huit gros ou dragmes. & de cinq cens foixante & dix grains pour once, qui est la plus commune:ce qui ne seroit pas difficile:attendu que le Roy Catholique & la Royne d'Angleterre ont desia banni tout le billon : & mel

mes que toutes les monnoyes d'or d'Espagne, horsmis les pistolets, & la monnoye de Portugal, sont à plus haute loy que ie n'ay dit, & toute la monnoye d'argent à onze deniers trois grains, qui est la plus forte qui soit. Et seroit bon faire la monnoye en forme de medailles moulces, comme faifoyent les anciens Grecs, Latins, Hebrieux, Persans, Egyptiens: carles frais en seroyent beaucoup moindres, & la facilité plus grande, & la rotondité parfaite, pour empescher les roigneurs: & ne seroit pas suiette à estre ployee, & rompuë, ioint aussi que la mar que demeureroit à iamais. On n'auroit point la teste rompue à marteller, & ne seroit besoin de tailleur, & n'y auroit aucun dechet pour la cizaille, ny de remede sus le poids, comme il est necessaire qu'on donne deux ferlins pour le moins sus le marc forgéau coing: ioint qu'il s'en feroit plus en vn jour, qu'il ne s'en fait en vn an, on ofteroit auffi l'occasion aux faux monnoyeurs de mesler les metaux si facilement come ils font aux presses, au coing, où la piece s'estend en l'argeur qui couure l'espesseur: & le moule seroit toutes les medailles d'vn mesme metail efgales, en groffeurs, poids, largeur, & forme:ou fi le faux monnoyeur vouloit mefler du cuyure aucc l'or, plus q la loy de xxIII.carats, le volume du cuyure qui est en poids esgal plus grad 11. fois & vne huitiefine que n'est pas le volume d'or, ou plus leger que l'or deux fois,

& vne huitiefme en masse esgale: feroit la medaille plus groffe de beaucoup, & descouurivoit la fausseté: car il est tout certain que si la masse d'or esgale à la masse de cuyure, poize quinze cens cinquante & vn ferlin, la masse de cuyure, ne poizera que sept cens xxix. ferlins, qui est co me dixsept à huit, en gros poids: comme iay apris de François M.de Foix le grad Archimede de nostre aage & qui le premier a descouuert la vraye proportió des metaux en poids & en volume. Nous ferons mesme iugement de l'arget qui a plus grand volume que l'or en poids esgal, ou que l'or est plus pesant que l'argent en masse esgale une fois, & quatre cinques : qui est comme M.D.i.i.à M.CCC.LXVI. ou neuf à cinq, & du cuyure à l'arget comme xi. à xii i ou precisement come M. CC.XXIX. à D CCCLXVI. qui approchent de plus pres au poids, & au volume que les autres: horsmis le plomb qui est plus pe sant que l'argent, d'autant qu'il y a difference de xv.àxIIII.ou plus precisement de DCCCLXVI.à DCCCCxxIx mais ils ne s'en peuvent servir pour falsisier, d'autant qu'il se delie de tous metaux hormis de l'estain. Et moins peuuet vser de l'estain qui est la poizon de tous metaux: & ne peut estre ietté pour argent : attendu qu'il est plus leger d'autant qu'il y a de neuf à quatorze, ou precisement de D C. à DCCCCXXIX. & beaucoup moins peut estre deguisé pour or, qui est plus pelant que l'estain en masse esgale, ou plus

petit de corps en poids esgal, d'autant qu'il ya entre xvIII.& sept, ou iustement entre M.D.LI.&c DC. qui est deux fois & quatre septiesmes plus pesant. Quant au fer les faussaires n'en peuvent abuser par fusion, d'autant qu'il ne reçoit meslange ny d'or ny d'argent : à la côtiguité des lames sus fer, n'est pas difficile à conoistre. Pline l'appelle ferrumination, de laquelle vsoyent les faux monnoyeurs de son temps: & de fair le Sieur de Villemor commissaire des guerres m'a fait veoir vne anciene medaille de fer couverte d'argent en ceste sorte, toutes fois le poids, & le volume descouure la fausseté y regardat de pres car l'arget est plus pesant que le fer en malle esgale, ou moindre de volume en poids esgal, d'autant qu'il y à de quatre à trois, ou precisemet dengecuxvi.ànexxx1111.Etquantàlor, il est impossible que la ferrumination puisse de rienseruir aux faux monnoyeurs veu que l'or est plus petit de corps que le fer en poids esgal, ou plus pesant en masse esgale d'autant qu'il y a de six à neuf, ou m.p. Lvi. a DCXXXIIII. Aussi n'est il pas à craindre que le vifargent puisse sers uir à falcifier ces deux metaux, bien qu'il appro che autant au poids de l'or que sept à huit, ou M. CLVIII à M.D.I.I. parce qu'ils n'ont encores si bien sceu l'arrest, qu'il ne s'en vole en sumee. Voila quant à la forme des monoyes, & le prou fit qui reuiedroit d'estre moulees: comme elles Moyentanciennement, & jusques à ce qu'il y 124

cut si peu d'or &d'arget apres que les mines surent espuisees, & ces deux metaux vsez, perduz, cachez, ou diffipez, on fut contraint de faire la monnoye si deliec, qu'il ne failloit que le mar teau pour la marquer: ce qui depuis à esté cause de beaucoup d'abuz. mais tout ainsi que les premiers homes qui auoyent peu d'or & d'argent, le marquoyent au marteau: & depuis ayant plus grande quantité commencerent à le mouler: auffi faut-il maintenat, retourner aux moules, On avoit commençé à forger au mou lin, mais il s'est trouué que la marque ne se pou' noit affez bien imprimer, & qu'il y auoit toufiours trête marcs de cizaille sur cent marcs de matiere, au lieu qu'il n'y en a qu'vn ou deux au coing: & melmes que le son estoit differat aux monnoyes de coing: & qui plus est, on trouuoit que les pieces n'estoyent pas toutes de melmes poids, par ce que les lames le failoyet plus delices en vn endroit qu'en l'autre. Quane à ce que l'ay dit, que le marc d'or & d'argent, le doit dinifer en pieces esgales de poids sans fractions de pieces sus marc, ny de deniers sus pie ce, ny de grains sus deniers: l'vtilité y est fort el uidente rant pour les changes des marcs, & des pieces, que pour l'estimatio, poids, & cours indubitable. Ainsi faisoyet les anciens: car la piece d'or & d'argent pezant quatre gros ou dragmes, qui oft la moitié d'vne once, sera esgale au ficle des Hebreux, & la piece de 11. gros, ou de

xxxII. au mare, sera esgale au stater Attique, & au Philippus ancien. & aux nobles à la rose, & aux medailles d'or des anciens Romains, que la loy appelle, aureus: & la piece d'vn gros, ou fold tournois, ou dragme de LxIIII au marc, sera esgale à la dragme Attique, & à la zuza des Hebreux, qui estoit en Grece & en tout l'Oriet la iournee des brassiers. Vray est que le denier d'argent des Romains, estoit plus fort de poids de trois septiesmes: qui estoit aussi la journee du soldat Romain du temps d'Auguste: qui est vn peu plus que le simple real d'Espagne. Et si les mutatios, & changemens qui se font tout a coup sont dommageables, & pernicieuses, on pourra y proceder peu à peu, faisant forger les monnoyes comme i'ay dit, a fin qu'vu chascun ait loisir de se defaire du billo à moindre perte. Sur ces difficultez estat à Blois aux estats deputé de la Prouince de Vermandois, ie fuz appellé auec le premier President & trois generaux des monnoyes, & Marcel surintendant aux finances, a fin de remedier aux abuz des monoyes, & en finil fut resolu que tout ce que i'ay dit cy deslus, que ie remonstray sommairement estoit bien necessaire, & neantmoins q la difficul té & maladies de la republique qui est oyent incurables ne le pourroyent souffrir qui estoità dire, qu'il valoit mieux souffrir que le malade perisse en langueur que de luy faire boire vne medecine fascheuse pour le guerir. Ic confesse

bien que l'argent en billon ne reuiendra qu'à la moitié estant purifié à onze den douze grains, mais aussi c'est pour iamais si vne fois on tient la loy establie come dit est. Et si onne le fait, il est impossible d'euiter la ruine de la Republiq. Et quad bien on l'auroit descrié tout en vn mo ment, pourueu que le Roy portast la moytié de la perte, le peuple l'autre, encore y auroit il beaucoup plus d'auantage pour le peuple, que forger de foible monoye, & apres luy auoir do né cours, la decrier, on voit plus souuet que les ans, voire tous les mois, tous les iours, & à chacun momet, hausser le cours des monoyes, & autant de pris que de pays, que de villes, que de vilages. Ie ne sçache home de boniugemer, qui ne soit d'aduis qu'il vaut beaucoup mieux souf frir vne telle saignee, pour tirer les mauuaises humeurs, que de languir d'vne fieure perpetuelle, qui redouble si souvent ses acces: car nous voyons que depuis l'an 1538. sans aller plus loing, qu'on decria les vaches de foix, & dix ans apres tout le billo roigné, il s'est forgé des sols du temps du Roy Henry 11. à trois den. douze grains d'aloy, & au temps de Charles 1x. à trois den.d'argent, qui ne valent pas le billon ancien roigné, ny la vache decriee. Et neantmoins on hausse tantost le pris du billon sans hausser l'a loy, pour resiouyr le peuple, comme vn malade quand on le fait boire froid : carcela est bien cher vendu au descry.

C'est donques vne iniustice Barbaresque, & 127 vne perte ineuitable au pays, si vn Prince alteroit pour son plaisir le pris de l'or & de l'arget, haussent ou rabaissant le pied des monoyes for gees de ces deux metaux en mesme degré de boté, & ne trouneroit ny Prince ny peuple voifin qui voulust traiter comerce auce luy, finon en especes. Et pour monstrer que les trois metaux ainsi forgez que i'ay dit tiendront la proportion naturelle & conuenable, il appert en ce qu'il y a autanr à dire de l'or à vingt & trois carats, au pris de l'or fin, qu'il y a de l'argét à onze deniers douze grains, au pris de l'argent fin à douze den. Et parainsi tenant le cours & titre des monnoyes que l'ay dit, on fera cesser vn milion de proces qu'on voit pour le payement des rentes & debtes en forte ou en foible mon noye, en or ou en argent, en escuz vieux ou nou ucaux. Et par mesme moyen les reuenuz & facultez d'vn chacun seront asseurces: l'estimatio des choses mieux reglee : le changement incertain des monoyes ofté: la trafique plus aisce: le. Prince & les magistrats obeis: les financiers & trompeurs escornez: les faux monnoyeurs ban nis: & le pauure peuple infinimet foulage.

Voila, monsieur, les raisons qui sont, a mon aduis, necessaires, ou pour le moins apparêtes, touchant la charté des choses & l'ordre qu'on y peut donner. Mais pour connoistre au vray si elles sont mettables, il ne saut que les rapporter

à la touche viue de vostre meilleur iugement, qui en feral'essay beaucoup mieux q la pierre Lydiene, ny que le feu ne scauroit faire de l'or, ce qui m'a doné plus d'asseurance de mettre le tout en lumiere auveu d'yn chacun, car qui seroit celuy qui voudroit reprouuer ce que vous aurez vne fois approuué? Ce n'est pas toutesfois que ie pense en estre creu, qui seroit chose par trop ridicule: & moins encores pour contredire persoune: ains pour semondre ceux qui font mieux entenduz aux affaires d'estat d'y prendre garde vn peu plus soigneusement qu'on ne fait. Et mesmes pour inciter monsieur de Malestroit, & ceux qui ont quelque deuotion au bien public, à cotinuer, en vn si beau suier, en quoy faisat les Princes fouuerains, qui ont puissance de donner la loy, aucc ceux qui leur donnent conseil, seront, comme ie croy, plus resolus en ce qu'il faut ordonner pour l'honneur & accroissement de la republique, apres auoir entendu de plusieurs les iustes plaintes & doleances du pauure peuple, qui sent bien la douleur, mais la plus part ne peut pas bien iuger d'où elle procede, & ceux qui en ont quelque iugement plus certain, ne peuuent auoir qudience, ny autre moyen que par escripts, pour faire en-

tendre la maladie à ceux qui peunet aise-

ment y remedier. pencils were but pour consoller as vary

